

AD DELICIAS GERMANIAE

APPENDIX,

IN QVA PRAECI-

PVA IVRA, RITVS, ALIAQVE

CIRCA ELECTIONEM ET INAV-

GVRATIONEM NOVI ROMANORVM

REGIS ADHIBERI ATQVE OBSER-

uari solita, quum ex aurea Bulla bre-

uiter recensentur, tum additis

quibusdam Electionum hi-

storijis illustran-


tur.



COLONIAE,

Apud VVilhelmum Lutzenkircher.

ANNO MD C XII.



GENERE, DO-
CTRINA, RERVMQVE VSV
PRAESTANTISSIMO VIRO,

D. Adriano von der Mylen re. fauto-
ri & amico summe
colendo.



*Em omnium difficilissimam in Ger-
mania nostra iam tractari, vir pra-
stantissime, non ignoras. Agitur e-
nim de summo constituendo Impe-
ratore, cuius nutu quum cetera re-
giones, tum in primis tota Germa-*

*nia dirigatur. In euentum huius deliberationis scio
omnium fere quum Principum tum priuatorum ocu-
los atq; animas intentas esse; & vt varia sunt vota,
ita varias quoque circumferri passim opiniones &
sententias: sed futura quis possit praenoscere? quae vt
soli Deo nota, ita in eius vnus sunt manu. Quum igitur
hac in re quidquam augurari vel diuinare nec
libeat nec liceat: opera precium putavi ex prae-
teritis historijs quadam colligere, è quibus non imprudens
animus non omnino nihil de futuris conijcere possit.
Animus quidem initio fuerat latius vagari, & mul-*

PRAEFATIO.

ta ex antiquitate illa repetere: verum urgente Typographo, vela contraxi, & pauca quaedam superioris aut hunc in libellum collegi: quem Tuo nomini inscribo, dico ac nuncupo, maiorem in modum rogans, meum vt hunc conatum bonam in partem accipias, meq; de meliore nota commendatum habeas. Vale.
Colonia Agrippina XIX. May M. DC. XII.

T. Amplitudini

addictissimus

Gaspar Ens L^r

MODVS



MODVS PRINCI-
PES IMPERII SEPTEMVI-
ROS, AD ELIGENDVM NOVVM
ROMANORVM REGEM CON-
*uocandi, ac cetera quæ eò pertinent,
peragendi.*



AROLVS Bohemiæ Rex, Cæsar
eius nominis Quartus anno salutis
M. CCCLVI. legem quum de a-
lijs rebus, tum de modo ac ratione
Imperatorem eligendi tulit, quam
Bullam auream vulgo appellant: cuius inter alia
hæc sunt capita: Vt mortuo Cæsare, Archiepisco-
pus Moguntinus, quamprimum rescuerit, cete-
ris Electoribus illico denunciet, & certum
diem constituat, vt intra tertium mensem
Francofurti præstò sint ipsi vel ipsorum lega-
ti, cum plenis mandatis, noui Regis Roma-
norum aut Cæsaris eligendi causa. Quod si
facere Moguntinus negligat, ceteri Collegæ
nihilò secius intra tempus illud conueniant, &
comitatum habeant singuli non supra ducentos
equites, quum oppidum ingrediuntur, & in his
armatos ad quinquaginta: qui nec ipse venerit

consanguineus. Vt Electoris locum, qui est infra decimum octauum ætatis annum, expleat agnatus proximus, donec ille adoleuerit. Vt Electores quotannis conueniant, deque republica deliberent. Vt Francofurti fiat electio, Aquisgrani vero prima coronatio. Vt Electorum filij primis ab annis Italicam, Latinam & Illyricam linguas cõdiscant, &c. Ceterum pro statu præsentis, etiam aliz conditiones & leges ab Electoribus nouo designato Romanorum Regi præscribi solent, quæ admodum in sequenti Caroli V. exemplo videre est.

LEGES SEV CONDITIONES, CAROLO

V. Romanorum imperatori designato ab Electoribus præscripta, & ab eodem accepta.

TVueatur Rempublicam Christianam, Pontificem & Ecclesiam Romanam, cuius sit aduocatus. Ius æquabiliter administret, & paci consular. Leges omnes Imperij, præcipue quam Auream vocant Bullam, non modo confirmet, sed de ipsorum consilio, quam res ita feret, amplificet etiam. Senatum in imperio constituat ex Germanis delectum, qui rempublicam administret. Iura, priuilegia, dignitatem, immunitatẽ Principum minime conuellat aut imminuat, sed potius augeat. Electoribus liceat, quum opus erit, conuenire, deque republica deliberare: nullum autem ipse, quo minus id faciant, impedimentum ipsis inferat, nec in malam partem accipiat. Plebis & Nobilitatis federa vel societates

aduersus Principes initas, aboleat, & ne tales in posterum fiant, lege prohibeat. De rebus Imperij nullum fedus aut pactum faciat cum exteris quibuscumque, nisi de Septemvirorum assensu. Facultates Imperij neque distrahat, neque oppignoret, nec alio quouis modo deteriores faciat, & quæ sunt ab alijs Nationibus occupata vel ab Imperio diuulsa, primo quoque tempore recuperet; sic tamen ne quid fraudi sit illis qui vel iure vel priuilegio aliquo nituntur. Si quidem etiam vel ipse vel ipsius familiæ quispiam possideat quod sit Imperij, non acquisitum legitime, reddat, interpellatus à Septemuiris. Cum vicinis alijsque Regibus pacem & amicitiam colat; neque pro rebus Imperij, nisi de ordinum omnium, præcipue Septemuirorum consensu, bellum suscipiat vllum intra vel extra fines Imperij. Peregrinum militem in Germaniam non adducat, nisi consentientibus illis: quod si autem bello petatur vel ipse vel Imperium, liceat vti quibuscumque præsidijs. Conuentum Imperij nullum indicat, neque vectigal aut tributum imperet, nisi de consensu Electorum. Conuentus non agat extra fines Imperij. Negocijs & muneribus publicis præficiat non exteros, sed Germanos. Literæ omnes Germanico aut Latino sermone conficiantur. Extra fines Imperij nullum ordinem iuius vocet. Quia Romæ multa sunt aduersus pacta quondam inita cum Pontificibus; det operam apud Pontificem, ne qua fraus Priuilegij fiat & Imperij libertati. Quomodo mercatorum monopolia valde perniciofa Germaniæ coerceri debeant,

beant cum Electoribus rationem ineat, ac rem
 sæpe hæctenus deliberatam ad exitum perducatur.
 Portorium aut vectigal nullum imponat, nisi as-
 sentiantur Electores: neque literis quibuscumq;
 Electorum qui sunt ad Rhenum, vectigalia dete-
 riora faciat. Si quam habet actionem contra ali-
 quem ordinem, legibus experiatur, vim autem
 nullam adhibeat ijs qui se cognitioni legitimæ
 sistunt. Neminem indicta causa proscribat, sed
 iuris ordinem in eo sequatur. Imperij bona quæ
 forte vacabunt, nemini conferat, sed ad publi-
 cum patrimonium referat. Si quam alienam pro-
 vinciam auxilijs ordinum acquireret, Imperio
 coniungat; si publicum quid suis copijs atque ar-
 mis recuperabit, Reipublicæ restituat. Quod in
 terregni tempore Palatinus & Saxo publice ege-
 rint, ratum habeat. Consilium nullum ineat,
 quo dignitatem Imperij familiæ suæ peculia-
 rem & hæreditariam faciat, sed liberam atque
 integram permittat Septemviris eligendi facul-
 tatem, iuxta Caroli Quarti legem, & iuris Pon-
 tificij præscriptum (Innocentij III. Epistolam
 Decretalem intelligunt, quæ is fateretur Electori-
 bus liberam esse Cæsaris eligendi facultatem, ne-
 que eam hæreditariam esse) quod secus factum
 erit, irritum habeatur. Vbi primum

licebit in Germaniam se
 conferat, Imperium
 que suscipiat.

(::)

SVMMA CONSULTATIONIS SIVE
Disceptationis inter Moguntinum & Treuren-
sem Archiepiscopos &c. in comitijs
Electoralibus Anno
MDXIX.

MAximiliano I. Cesare optimo rebus humanis exempto, duo in primis Imperiū ambiebant, Franciscus Galliz, & Carolus Hispaniz rex, è stirpe Austriaca originem ducens. Magno tum res erat in discrimine, præsertim ob belli inter Gillos & Hispanos ac Belgas metum: quod Franciscus occupato Mediolano, & profligatis magno prælio Heluetijs, Burgundicæ federa dissoluerat, & noua cum ijs fecerat quorū sibi profuturam amicitia existimabat; in primis vero Leonis X. Pontificis studium sibi adiunxerat, ut ab eo in Imperio impetrando adiuuaretur. Inter Electores etiam Treuirensis Archiepiscopus Richardus, ex Greiffenclaniorum familia, Gallorum rebus eximie studebat. Quum ergo Electores de more à Moguntino vocati, ad diem Iunij XVII. in ade D. Bartholomæi Francofurti conuenissent, & præstito iuramento ac peractis sacris in sacrarium eius templi interiūs ingressi essent, Moguntinus (Albertus Brandenburgicus) Carolo Austriaci partibus fauens, satis longam ad collegas orationem habuit, eisque Caroli in Imperatorem eligendi auctor fuit, his fere argumentis usus: D. facillimam omnium iam tracturi deliberationem, siquidem de summo capite constituendo

tuendo agatur. Deinde multis enarratis intesti-
nis bellis & calamitatibus olim ex Electorum
dissensione natis, aiebat quæstionem omnem tri-
bus his contineri, An scilicet Rex Galliarum, an Ca-
rolus Hispaniarum Rex, an vero Princeps aliquis
Germaniarum in Imperatorem sit eligendus. Ad pri-
mum quod attinet, Gallo id potissimum ob stare,
quod sine dubio peregrinus sit siue exterus. Sed
& periculū esse, si rerum summæ admoneatur, ne
vniuersam Germaniā periculosissimo bello con-
tra Carolum inuoluat, & Imperij viribus ad reg-
ni sui amplificandum potentiam abutatur. Quam
fæpe enim, inquit, maiores ipsius Imperium no-
strum ad se reuocare conati sunt? nec sine acerrimis
dimicationibus Carolus Crassus & Othones
possessionem eius in Germania retinuerūt. Quod
aliqui referunt vetustam originē Gallorū ad Ger-
manos, leuius est quam vt Principes tanta sapien-
tia & grauitate præditos monere debeat. Consti-
tutio postulat talem eligi, qui vere sit hæres ali-
cuius ditionis quæ huic nostro pareretur Imperio.
Quum igitur constet excludi Gallorum regem
constitutione publica, quam iurati in electione
sequimur, nihil opus est longa disputatione.
Quamquā etiam si natio nō impediret, hæc tamen
dissuaderem electionem. Primum enim in Ger-
maniam adducendus erit Gallus. Quantum ea in
re erit periculi, si exercitus peregrinus per Impe-
rij vrbes distribuatur? An superbiam & libidines
Gallicorum equitum, ciuitates ferent? Sed aliud
impendet grauius malum. Veniet inimicus Caro-
lo quod ne cui dubium sit, iam bellam denun-
tiam

ciatum est, iam antiqua foedera Burgundorum & Gallorum rescissa sunt. Bellum etiam Neapoli inferre decreuit. Itaque quum Gallorum imperium detrectabunt Austriaci & Belgæ, & alij aliorum Principum studia & auxilia sequentur, videbitis breui arsuram ciuili bello vniuersam Germaniam. Porro quum alia nobis prospicienda sunt, tum hoc in primis, ne nostra electio ciuile in Germania bellum accendat. Iam si Gallum elegerimus, oportebit nos suffragia nostra tueri: vbi si incidet discordia cum Austriacis, num arma expediemus, ad Austriæ domum opprimendam? nec nos vetus necessitudo, nec sanguinis coniunctio, nec merita & nobilitas domus Austriacæ, denique non Maximiliani manes à tanto scelere deterrebunt? Deinde oppressis Austriacis, an putatis libertatem ceteris Principibus in tuto fore? Nihil me illa magnifica promissa mouent, quæ legati eius præ se ferunt. Non pacta, non leges plus valent quàm iracundia, superbia, ambitio victoris. Scimus Gallum in patria, quam naturâ amare debebat, quosdam Principatus iam ad se rapuisse, breuiq; orbatam videbitis Principibus vniuersâ Galliam. Est omnino Gallus excelsio animo præditus, sed nimis cupidus Monarchiæ. Nos autem nisi Aristocratiam Principum in Germania omni consilio, omnibus neruis ac viribus tuebimur, male consulemus vniuersæ posteritati. Minus etiam mouent me splendida illa de bello Turcis inferendo promissa. Gallus enim aduersus Turcas nihil gerere volet aut poterit, nisi prius domitis in Germania Belgis, in Italia vero recuperata Neapo-

Neapoli. Has ad res armare Gallum, id est, ad o-
 uile in Germania excitandum bellum, nostra
 nos debet auctoritas, &c. Restant duæ delibera-
 tionis partes, An Carolus sit eligendus, an alius
 quispiam Germanicus Princeps: quæ deliberatio
 multo est difficilior. Nam de Carolo credo ple-
 rosque vestrum propter multas graues causas du-
 bitare, quæ etiam animum meum non leuiter
 mouent. Primum Hispania longe dissita est à
 Germania: quod ut libertati nostræ tutius vide-
 tur, ita si Carolum detinebunt Hispaniæ, interea
 sine præsidio & sine publicæ pacis custode erit
 Germania. At vel Turcici belli causa, vel pro-
 pter domesticos Principum tumultus, publica
 necessitas flagitat, ut velut in statione adsit
 Imperator.

Aliud leuius est, sed tamen non contemnen-
 dum. Si enim iratus aliquando in Hispaniam ve-
 niret, & Hispanos adduceret, libertas nostra
 magno in discrimine versatura esset. Fortassis
 & Hispani non tam facile Imperij decus nobis
 restituent, postquam semel in hanc possessionem
 venerint, præsertim quum aditum eis in Ita-
 liam patefaciat. Et si suo sanguine Mediolanum
 recuperabunt, non sine certamine inde nobis
 cessuri sunt.

Videretur igitur tutius è nostris Principibus
 eligere aliquem, fide, prudentia, fortitudine, in-
 stitia & auctoritate præstantem, ut sæpe maiores
 nostri fecerunt, qui plerumque in electione vir-
 tutem magis quam potentiam spectasse videntur.

Agnosco id quidem, sed tum, populi Germaniæ minus erant contumaces: & Facile erat, vt est in prouerbio, imperium in bonos. At iam si bellum inter duos reges, Gallicū & Hispanum in Belgio aut Italia oriatur: an Imperator, velut ociosus spectator, sinet duas exterarum nationes bonam Imperij partem diripere? Quid quod ipsi Principes, spreto Imperatore, alij se Gallis, alij se Austriacis coniungent. Et quā multæ causæ incidere possunt vel Principibus vel ciuitatibus detrectandæ obedientiæ. Videntur etiam de religione horribiles impedere tumultus. Nullū enim doctrinæ genus maiori applausu exceptū est quā hoc: & quotidie plura dogmata mouentur, nec poterit sine synodo Ecclesiæ tranquillitas restitui. Quæ autē erit infirmi Imperatoris autoritas vel in petenda synodo vel in defendenda? præsertim si ceteri Reges aduersabuntur. Nihil de Turcico bello dicam, ad quod opus est multarū Nationū copijs & virib⁹, quas contrahere Imperator, si parum habeat autoritatis, non poterit. Hęc atq; alia multa meum animū adducunt vt in hac electione potentiæ rationē ducendā esse putem: nisi Imperatorē habere velimus, qui titulū & vmbra Imperij, sine auctoritate, sine viribus gerat, &c. Ingressus inde de Carolo dicere, demonstrat eū vere Germanū esse Principē, præclara indole, & quæ iā multarū Principe dignissimarū virtutū specimē dederit: iuuenis quidem adhuc ætate, sed matura & idonea rebus gerendis, tū incredibili cōtinentia & benignitate. Si quis scrupulus sit ne Imperiū ad externos id est, Hispanos transferatur, esse solēnem iuris iurandi

iurandi formulam, iuxta quā fidē daturus sit Carolus, se nō labefacturū aut mutaturū electionis iura & Imperij statū. Potentiā eius satis superq; notā esse, vt qui tot tantq; regna possideat: quorū cū Germania coniunctis viribus, nihil ei difficile sit futurum. Certas ei leges dici posse, ne diu ē Germania sit absens. Quin quū amplissimos in Belgio & Germania Principatus teneat, vltro sæpe in Germaniā venturū: præsertim quum intelligat non ad ociosa spectacula se accersi, sed ad depellendos Gallos ex Italia, ad Turcas ab Austria arcendos, ad liberandas vicinas regiones, &c.

Quum hanc in sententiam perorasset Moguntinus, reliquos collegas cohortatus est vt suam quisque exponeret sententiam: qui congressi ac pauca colloquuti, Treuirēsem, ingenio, doctrina & rerum vsu pollentem, primum dicere iubent, qui summo à nescio quo vaticinio exordio, quod habebat, Maximilianum vltimū ē Germanis fore Imperatorem, addidit: iam mihi prædictioni illi respondere euentus videtur. Audiui enim attentissime eloquentissimum Principē Moguntinum, qui quū diligentissime collegerit omnia quæ nobis in hac deliberatione prospiciēda sunt, tamen ad extremum hoc censet esse vtilissimum vt peregrinum accersamus Imperatorem. Id si falsale est, frustra repugnamus. Sed illud miror cur ipse Hispanum anteferat Gallo. Qua in re mihi primū deploranda est Germaniz conditio. Nihil nobis exteris præsidijs, nihil peregrinis ducibus opus esset, si maiorū suorū virtutes nostræ ætatis

Principes

Principes imitari vellent. Ocium & seruitutem
querimus, dum exterum Principem adducimus.
An puratis aut auos vestros, Albertum Marchio-
nem, aut Fridericum Palatinum, aut Albertum
Saxonem fuisse vñquam exterum dominum ad-
ducturos? Ipsi militabant, ipsi res gerebant. Ne
vñquam exercitus, pecunia, arma nostris defue-
runt, quodcumque vel mediocres duces habu-
erunt. Verum omitto querelam. Si omnino pe-
regrinus Imperator habendus est, causæ sunt pl-
rimæ quare Gallorum rex anteponendus sit om-
nibus. Ac priusquam dicam huius mei iudicij ra-
tiones, primum de lege & iureiurando disputa-
bo. Opinor maiores nostros hac lege cauere vo-
luisse, ne Germaniâ amitteret Imperij decus, eo-
que peregrinos Reges eligi noluerunt, hoc est
tales qui non haberet in Germania domicilium.
Hæc si est voluntas legis, nihilo magis licebit Hi-
spanum eligere quam Gallum. Hispaniæ Rex lo-
gius à nobis abest: & natio ipsa dominationis cu-
pida & bellicosa, postea sibi Imperium extorquere
non sinet. Et si hoc satis causæ est, cur Carolus
eligimus, quia tenet quasdam ditiones ad Impe-
rium pertinentes; valeat idem in Gallo, qui Me-
diolanum & regnum Arelatense in potestate su-
habet. Denique prorsus ita sentio, quod ad electi-
onem attinet, non minus accersi peregrinum Im-
peratorem, electo Hispanico, quam Gallico Rege.
Nam & Gallica gens multis rebus nostræ natio-
ni simillima est: adeo vt eius cōiunctio non mu-
tum difficultatis, plurimū vero vtilitatis, immo
quātum vix cogitari potest, habitatura videatur.

Vicin

Vicina vero quam est opportuna ad defensionem vtriusque regionis, si quis subitus tumultus incidere? Nec ad Italiae pacem tuendam reperiri vtilius consilium potest, coniunctione harum duarum gentium: quarum vtraque exercitus ingentes equitum ac peditum conficere, & Gallia suppeditare belli nervos, videlicet ingentem vim pecuniae potest. Et quia non solum Germaniae, sed toti nomini Christiano, in hac electione consulere debemus, querendum est praesidium aduersus Turcica arma. Cum enim teneant iam pacatam Asiam, nihil dubium est rursus in Europa bellum molituros esse. Inuadent Pannoniam, & Italiam. In tali discrimine, quid erit optatius, quam Imperatorem habere instructum copiis ac viribus Germaniae, & Galliae? At contra, ut de ingenijs ac natura gentis Hispanicae nihil dicam, quae etiamsi est bellicosa, tamen non tam viribus pugnat, quam arte. Itaque nulla magna res ab eis in Italia sine auxilijs Germanicis gesta est. Sed cogitate, quam procul distita sit, certe in subitis tumultibus non poterit nobis, vel Italiae, vel Pannoniae, opitulari. Patria est Caroli Austria: ne hanc quidem Hispani tuebuntur: Et ut volent, non poterunt. Non enim nisi exiguas copias domo mittunt, eiusque rei causa est, quod nauigationibus Hispania exhauriatur, nec coeli nostri grauitatem satisfacere possunt. Est & illud commodi, si cum Gallis militemus, vestro ductu omnia gerentur: vos in gloriae societatem admittent Galli, etiamsi tunc gloriosi. At ubi cum Hispanis militabitis, illi vos tanquam mancipia regent: ipsi laboribus ac victorijs vestris fruuntur. praeripient honores: praeerunt

prouincijs. Vos tum sero deplorabitis seruitutem vestram. Sed gentium collationem omitto, de ipsa electione dicam. Tenet hoc tempore Gallus Mediolanum, qui si erit Imperator, ne causa quidem belli in Italia futura est. Nam quod Gallus existimatur Neapolim petiturus, vestra cum autoritas facile ad alias res vtiliores auerteret, si habebitis obligatum beneficio vestro. A Belgis etiam abstinabit, si quiescant ipsi, vt facient certè, cōterriti Germaniæ consensu, præsertim si non fuerint irritati. Nec ego velim illos irritari. Vicinos enim habuimus Belgas longo tempore, non locios Imperij. Nostra edicta nihil morantur, nostris periculis nihil afficiuntur. Suum quoddam regnum ibi habet, nihilo magis coniunctum cum Imperio, quam sunt Angli & Scoti. Quare quod veretur aliqui futurum, vt Germania bello implicetur, si Belgæ non obtemperent, quia Imperia nostra multis iam sæculis contemnunt, nihil periculi est, nullum sine vestro consilio bellum Gallus mouebit. Et quia Insu-briam tenet pacatam, & hoc tempore optimè instructus est omnibus rebus ad bellum necessarijs: vnā hanc laudem, vnum hoc decus petet, vt à nostris ceruicibus depellat Turcas: vt Selymū in gentibus successibus elatum, ac minitantem Italiæ exitium, adoriatur omnibus viribus. Quare nihil dubito polliceri electionem Galli allaturam esse Germaniæ tranquillitatem, Pannoniæ atque Italiæ salutem. At contra si elegerimus Hispanum, quam atrox bellum accendetis in Italia, ad recuperandum Mediolanum? Etsi autem incerti sunt exitus bellorum; tamen vt tandem sit fortuna Imperij supe-

superior, diu trahet bellum Hispanus, ut solet assidue vincere, non Achillæo more properans, ut totis viribus dimicet. Interea Italia vastabitur crudeliter. Nos occupati rebus Italicis, Turcam non poterimus arcere. Hæc pericula nescio cur extenuentur, quod ad totum orbem terrarum pertinent, cum e regione tam diligenter colligantur & amplificentur pericula, quæ Galli electionem commitari videntur, quæ tamen & leuiores & incerta sunt. Illud certum est, Italiæ horribilem vastitatem denunciari electione Hispani: tutum etiam, ut Turci interea opprimant Pannonias. Nihil dicam de exitu belli Italici, in quo si Gallus vincet, tum vero appetet Neapolim, & fortasse Romæ coget Pontificem, ut nostram electionem improbet. Qualem tragœdiam ea res paritura esset? Sed vincat Imperij fortuna, quid accidet? Hispani tenent Italiam, nunquam nobis reddituri. Noui eam gentem cupidam dominationis: Polypi sunt, quod semel præhenderunt, extorqueri sibi non sinit. Et cum Italiæ possessione retinere Imperiam haud dubie volent. Non diuino quidem, sed de rebus futuris coniecturas colligo probabiles. Nulla est tam ignaua natio, quæ si Italia potiretur, ultro cessura esset: Tantû abest, ut genus hominum bellicosum, gloriæ atque Imperij animum, cessum nobis existimeris. Omnibus temporibus creuit hoc modo regum, & populorum potentia. Carthaginenses semel accersiti in Siciliam, postea multis sæculis depelli non potuerunt. Sed vetera omitto. Illi ipsi Turci, quos iam tantopere formidamus, postquam semel in Europam traiecerunt, accersiti à Cōstātinopolitano Impera-

peratore:progredi,non regredi postea statim con-
 nat: sunt. Ipsi Hispani infinitas ærumnas perferre
 maluerunt,quam deserere Neapolim,quam accer-
 firi specie societatis,& Itatorum ope adiuti, rede-
 gerunt in suam potestatem. Ita nunc inuitati,adiuti
 à Germanis,potientur Mediolano. Quare censeo,
 non esse in Italiam adducendos Hispanos.De ipso-
 rum Regum ingenijs pauca dicam.Ersi enim existi-
 mo indolem in Carolo ad iustitiam & bonitatem
 esse dignam isto genere,& audio,modestum inge-
 nium esse:tamen si quis existimet in adolescente
 conspici posse eas virtutes,quæ in summo Principe
 orbis terrarum ac Duce præstantissimo requirun-
 tur,errat.Opus est orbi terrarum primum tali Prin-
 cipe,qui sapientia & moderatione sua emendet Ec-
 clesiam.Sapienter ergo Moguntinus de religione
 & de impendentibus Ecclesiæ tumultibus locutus
 est,quorum sparsa sunt semina. Scio autem regem
 Franciscum non modo singulari dexteritate inge-
 nij,& prudentia in iudicando præditum esse:se& e-
 tiam de religione cû doctissimis hominibus multa
 solere disputare,multa ipsum legere. Et intelliget
 hanc esse summam laudem magni Principis,ut non
 desit recte constituendæ Ecclesiæ.Deinde hæc tem-
 pora requirunt Ducem peritum,acrem,& felicem
 in armis.Hac in re non indolem in Francisco, sed
 spectatam iam industriam prædicare possumus.Ne-
 mo enim Regum Gallicorum,aliquot sæculis res
 gessit maiores:& quidem exiguo tempore. Cum-
 que vulgo tribuatur Gallis quædam animi molliti-
 es,quod inchoata negotia cito abijcere dicuntur,si
 initio non responderit eorum spei euentus: hic

Rex constantiam suam in rebus gerendis declarauit, cumque diuturnum & varium bellum in Insu-
bria gesserit, res tantas præcipue suis consilijs gu-
bernavit. Nec defuit ei fortuna: Nemo enim profligauit vlla memoria, indevsque à Iulio, maiores aut
firmiores Heluetiorum exercitus. In his negotijs,
cum fortuna penè indulgens in eum fuerit, speran-
dum est, & in posterum eius consilijs Deum affutu-
rum in Imperij pace tuenda, & in defensione totius
Reipublicæ Christianæ. Quid igitur antefereamus
adolefcentem, cuius indoles nondum satis explora-
ta est, huic Regi? cuius sapientia, virtus, & felici-
tas, in toga & in armis cognita est. Postremo addam
& hoc vnum argumentum, quo etsi fatetur se mo-
ueri Moguntinus, tamen nos bene sperare iubet.
Nullis verbis dici potest, quantum periculi sit Im-
peratorem abesse extra Germaniam, & ita abesse,
vt non statim cum opus est, accurrere possit. Quid
fiet, si vel Turcæ subito irruptionem fecerint in
Germaniam, vel seditiones aliquæ orientur inter
Principes? Vt in sævis tempestatibus naus sine gu-
bernatore, ita Respublica sine Imperatore, tali tem-
pore seruari non potest. Accedit aliud perpetuum
incommodum: non aspiciet res Germanicas ex
propinquo. Itaque multa nesciet, multas falsas fa-
bulas credet: leuius afficietur nostris rebus. Nul-
los habebit secum Principes Germaniæ, qui cum eo
libere de Rep. loqui possint. Sedebit circumfusus
ab Hispanis, quorum de multis rebus iudicia & vo-
luntates à Germanis discrepant. Mittet edicta in
Germaniam, nec causis, nec temporibus congruen-
tia, quæ tranquillitatem perturbatura sunt. num

hæc incommoda leuia ducitis. Quid? si ipse etiam incensus artificijs aliquorum, veniet iratus in Germaniam, & adducet Hispanos? qui vt Campaniã, vt Apuliam inter se partiti sunt, ita vestras ditiones, prædam suam esse arbitrabuntur. Prouidendũ est autem ne talis aliquis error Germaniæ vastitatem & huic Imperio interitum afferat. An illas maiorum vestrorum sedes vultis Hispanorum Colonias fieri? vestros posteros à summis ortos Heroibus, venire in seruitutem? & abcleri ornamenta Reipublicæ, à vobis sapienter & sanctè instituta iura, iudicia, disciplinam? Hæc enim omnia in seruitute mutantur. Sed de hac re plura dicere omnis causa nolo. Si igitur est habenda potentiæ ratio in electione, vt ego quoque arbitror, & fatale est horum regum alterum eligi, ego Gallum antefero: & nequaquam censeo Hispanum eligendum esse. Sed si lex impedit, ne Gallus accersatur, magis etiam impedit, ne Hispanus eligatur, cum eius electio, quantum prospici humanitus potest, minimè salutaris futura Germaniæ videatur. Ac decurramus ad maiorũ nostrorũ exempla, & verè, non callida interpretatione, legem seruemus. Ac verè Germanicum Principem, qui non aliud domicilium, nisi in Germania habet, qui origine, ingenio, lingua, moribus Germanus est, eligamus. Nec me vsq; adeo mouet quod ait Moguntinus, leporè leonibus imperaturum esse: magis illud videndum, ne ciconiam ranis, seu coruis vulturem, præficiamus. Potentia Germaniæ satis magna est, si quẽ eligemus, qui virtute autoritatẽ sibi comparare poterit. Accipit hoc Imperium penè funditus collapsum, Rodolphus mediocris Princeps, tantum propter virtu-

tem electus: ac breui ita crexit, vt regibus vicinis omnibus formidabilis esset. Audio Ludonicum regem Franciæ proximum, cum essent de Imperio Germanico sermones: & quidam Maximilianū per iocum vocasset consulem Augustanum, significans eum paucis ciuitatibus imperare, dantiè increpuisse illum, & respondisse: Imo vero nequaquā Germanici Imperatoris potentia contemnenda est, cū ille Consul tympanum pulsat, tota Francia tremir. Honeste Ludonicus. Noluit enim in regum Maiestatem iocos, aut conuicia dici: sed tamen illud etiam ostendit se Maximilianum propter virtutem, cui libet potentissimorum regum parem ducere. Nec adeo videtur extincta esse virtus in familijs vestris, nemo vt reperiri possit, hoc fastigio dignus. Tres sunt familiæ, Bauarica, Saxonica, & Marchica, quæ quadam mediocritate potētiz auctoritatem in Germania tueri possunt. Et sunt in his aliquot Principes, qui ingenijs & virtute sustinere magnitudinē huius administrationis queunt. Ex his si quem elegerimus, consentientibus suffragijs, eumque nos defensuros esse ostendemus, vt æquum est, omnes Principes & populi erūt in officio. Vt igitur habeat auctoritatē, virtute opus est: vt accedāt vires formidabiles exteris omnibus, vna re opus est, videlicet Electorū consensu: quem inter nos quidem perpetuum spero futurum esse. Nemo est enim inter nos, qui sibi potentiam aliquam quærat: quem ambitio, aut vlla cupiditas incitatura videatur aduersus cōmunem Imperij tranquillitatem. Tali sapientia & grauitate præditos esse Electores, cum salutare est Reipublicæ, tum vero ad omnem posteritatem

Germaniæ gloriosum . Itaque mirifice delector recordatione huius vestræ virtutis . Omittamus igitur Hispanum, & virtute cum exteris certemus. Non quæramus alios qui nobis imperent ociosis. Nihil enim indignius est natis Heroico genere, quam inertia fugitantes laborem, alijs concedere Imperij gloriam, & seruitutem accersere . Quoties in Germania mediocres Principes contraxerunt Regios exercitus, & res præclaras gesserunt? fuit recens Dux Saxoniz, Albertus, qui suis sumptibus magna ex parte bellum in Belgico gessit. Quid? ante hunc quantor exercitus sæpe contraxit March o Albertus? Patri tuo, Friderice, Duci Ernesto, bellum denunciaret rex Pannoniz Matthias: quantas copias, quantum robur ex vicinis regionibus subito contraxerunt, pater & patruus tuus? Itaque cessit vobis Pannonius sine dimicatione, quod non fecisset, si duorum fratrum ingenia & vires contempsisset. Quare non dubito posse in iri rationem electo Germanico Principe, ne ei vires, copiz, arma desint ad ruendam autoritatem domi & apud externos. Exposui meæ opinionis causas, nō vt postulat magnitudo negotij: sed vt in præsentia potui, maximeque cupio audire, quid iudicent ceteri Electores, qui diu Imperij consilij interfuerunt. Qui Germaniz statum & vires, qui omnium Principum ingenia & facultates norunt, qui Maximilian consilia de rebus his meminerunt. Deniq; qui longum in administratione Imperij vsum habent, quorum cum audiero orationes, de tota re diligentius disputare potero.

Cum dicere desisset Treuir, taciti aliquandiu sederunt

derunt Principes, tanquam defixis animis in cogitatione vtriusque orationis Exaggerata enim magnitudine periculorum in vtraque parte, quorundam animos non nihil impulerat Treuir, vt ad illud decurrerent, vt omiffis Regibus quærerent aliquem alium ex Germanicis Principibus. Sed hunc quærentes, animis magis etiam dubitabant. Iubent igitur tandem Fridericum Saxonie Ducem, natum maximum, suam sententiam exponere: qui pauca præfatus de lege, dixit: Interpretationem Treuiri subtiliorem esse quam ipsos deceat. Addiditque non dubitandum esse, quin lex impediat Galli electionem, planum & illud esse, Carolum vere Germanicum Principem esse; & in Germania domicilium habere. Et opus esse his turbulentis temporibus Principe, qui auctoritatem virtute & potentia tueri possit. Ideo se non dubitare, quin omnibus anteferendus sit Carolus Archidux Austrie: sed tamen prius conditiones quasdam ei ferendas esse, vt in tuto sit Germanie libertas, & vt pericula, de quibus disputatum est, quantum prouideri potest, caueantur. Eadem sententia dicta est à ceteris Electoribus. Treuir cum videret omnium animos ad Carolum inclinare, agnoscere se, inquit Germanie fatum, & impendentem Imperij mutationem. Quanquam igitur non desinit hortari, vt diligentius hæc res deliberaretur, tamen affirmat se publicæ concordie causa, suum suffragium cum illis coniuncturum esse. Hac acerrima contentione eius diei in multam noctem producta, tandem ita discedunt, vt postridie conueniant de conditionibus deliberaturi, quas Caroli legatis proposituri erant,

erant, qui Moguntix euentum expectabant. Fuit igitur de conditionibus illis postea per aliquot dies non minus contentionis: quæ præscriptæ & Moguntiam ad Legatos missæ, cum essent receptæ, dies constituitur, eundi in suffragium solenni more. Itaque rursus sacro publice facto, ingressi in sacrarium interioris templi diui Bartholomæi, suffragia ferunt hoc ordine. Cœtus Electorum reliquos interrogat Moguntinum, quem eligat regem Romanorum & futurum Imperatorem: is responder, se eligere Carolum Archiducem Austriæ. Deinde & Moguntinus reliquos interrogat. Hoc modo omnium consentientibus suffragijs Carolus electus est Imperator. Deinde suffragia relata sunt in literas, & confirmata singulorum sigillis. Postea accersita Nobilitate ac multitudine vniuersa publice facta est renunciatio, tum in hanc sententiam habuit Moguntinus orationem.

Quod foelix, faustumque sit Ecclesiæ Christianæ, Imperio nostro, & patriæ, renuncio vobis electum esse regem Romanorum, & designatum Imperatorem Carolum Archiducem Austriæ & Burgundiæ, regem Hispaniæ. Qua in re primum agendæ sunt Deo gratiæ, quod summa concordia & consentientibus Electorum Principum suffragijs res tanta perfecta est. Sæpe enim antea cum dissentientibus Electorum studijs & voluntaribus diuersi eligerentur orta sunt inter Germanos bella ciuilia, plena impij furoris & crudelitatis, in quibus domi mutua cæde flos Nobilitatis extinctus est, absumptæ Imperij vires ac pene vniuersa Germania in solitudinem, vastitatemque redacta est. Foris autem nomen Imperij

perij nostri contemni coepit, Italia deficere, & alios reges accedere, Turcæ impugne grassari, dū nos impliciti domesticis bellis, reprimere eos non potuimus. Porro quantū mali hoc tempore discordia Electorum paritura erat? Cū non solum Germaniæ Principes, sed fortassis etiam exteri reges in media Germania de Imperij possessione dimicaturi fuissent. Nec leuiter tentata res est, vt cōsensus voster dissolueretur. Quare ego quidē nō minus propter cōcordiā nostrā, quā propter electionē ipsam, laetor: Deoq; gratias ago, qui mentes omniū ad cōcordiā retinendā flexit & gubernauit. Qua incolumi speramus, huic nationi non defuturum consilium ad defendendā patriam & Imperij dignitatem. Et si diuinitus potius, quam humana prudentia perfectū est, vt voluntates nostræ congruerent, tamen hac in re etiam vestra virtus ac sapientia, Electores, maximā gloriā vobis apud exteros reges pariet: conciliabit & beneuolentiā nostrorū Principū, qui vobis tantę rei arbitrium solis commiserunt, vt Dominum ipsis, vt custodem publicæ salutis, vt Ecclesiæ orbis terrarū propugnatorem eligeretis. Apud hos eo plus admirationis hæc vestra diligentia grauitasque habet quod ipsi norunt quoddam non modo varijs art. ficijs, sed etiam propositis minis ac terroribus, conscripto exercitu hoc ipsum conatos esse, vt nostras mētes distraherēt & dissociarent. Vtinā nostrum exemplū & posteris profigat, qui quantis laudibus vestrā celebrabunt sapientiā & virtutē? quod cauistis ne discordia inter vos orta bellum æternum & exitiale patriæ excitaretur. Sed vt ante dixi, Deum agnoscamus aure-

autorem esse huius consensus : cumque ardentibus
 votis precemur, ut sit perpetuus. Deinde postquam
 electus est Carolus, non dubitemus quin Dei consi-
 lio & voluntate ad hoc tantum fastigium euectus
 sit. Nam haud dubiè fato & voluntatè Dei imperia
 dantur. Agamus igitur Deo gratias, quod Princi-
 pem nobis optimæ atque amplissimæ spei dedit:
 ac petamus, ut auspicia Imperij sint fausta ac feli-
 cia & ut Deus gubernet regis Caroli animum, cõ-
 silia, actiones, ad gloriam Christi illustrandam, ad
 Ecclesiæ tranquillitatem constituendam, ad patriæ
 atque Imperij pacem defendendam, ad religionis,
 legum, iustitiæ, disciplinæ, conseruationem. Hæc
 ingentia bona cogitemus verè esse cœlestia bene-
 ficia, quæ generi humano per bonos Principes De-
 us impertit. Quare à Deo pijs & assiduis precibus
 petenda. Quemadmodum ille, cum inquit de Deo,
 Qui dat salutem regibus : admonet ita esse felicia
 Imperia, si Deus det salutem, si gubernet atque ad-
 iuuat eos, qui Respublicas administrant. Omnes i-
 gitur inuocate Deum & Dominum nostrum Iesum
 Christum, & hanc Psalmi vocem pio pectore in-
 geminate, quæ precationem pro rege continet:
 Mittat tibi auxilium de sancto, & de Sion tueatur
 te. Publico etiam nomine postulamus, ut Carolo
 regi Romanorum, & electo Imperatori, ac Domi-
 no vestro obediatis. Quod quidem nos pro fide,
 virtute, ac sapientia vestra, facturos esse, non dubi-
 tamus: præsertim cum ille tanta modestia iudici-
 um nostrum ac suffragia expectauerit. Et quemad-
 modum nos in electione præstitimus, ne qua inter
 nos discordia oriretur : ita vos propter publicam
 Imperij

Imperij tranquillitatem imitami nostrum exemplum & communi animo electo Imperatori obtemperate: quem iure ac legibus scitis iam esse nostrum Dominum. Nam electio iure ac legibus facta est. Nullius noui exempli autores sumus contra leges. Est autem officium necessarium, & praesertim sapientibus ac magnis viris dignum, iuri ac legibus obtemperare, parere Dominis, canere omni studio, ne contumacia dissipentur Imperia. Ac tamen ut libentius huic Domino pareatis, eadem vos rationes hortentur, quae animos nostros in electione mouerunt. Etenim non solum nihil contra leges fecimus, sed etiam quantum prospici à nobis potuit, Deo gubernante nostras mentes in designando Principe, communi saluti orbis terrarum consulere conati sumus. Quare, ut sancitum est, Germanicum Principem, & quidem in familia Imperatoria natum elegimus, quem indole ad virtutem egregia praeditum esse cognouimus. Eminent autem in eo duae virtutes, quae in summo Principe maxime necessariae, salubres, & gratae sunt, videlicet, amor religionis, & bonitas eximia. Quarum altera cum ad fugiendas libidines, ad vitandas temerarias, mutationes, in Ecclesia & Repub. ad fidem seruandam constantiamque in promissis, ad defensionem religionis & Imperij exuscitat. Vtraque vero prohibet luxuriam, crudelitatem, iniustam cupiditatem vindictae. Et si enim iudicauimus opus esse potestate Principe, qui auctoritatem etiam viribus tueri posset: tamen prius ingenium, & mores considerauimus. Potentia enim non salutaris, sed pernicioosa esset orbi, si ingenium leue aut malum esset. Est autem

ea iam ætas pene, quæ fuit Alexandri Magni capessens Imperium: in qua vires corporis propemodum maturuerunt, & ingenij vigor, industria, sagacitas, & mores se proferunt, vt iudicari qualis sit natura possit. Itaque cum sciremus, regem Carolū suo iudicio multa honeste & grauitè respondere, & non solum non hebetem, sed etiam singulari industria & diligentia in obcendis negotijs, aut prouidendis, aut iudicandis, præditum esse: & cæteras virtutes habere, bono & magno Principe dignas, statueremusq; tali præditum natura, opes & potentiam suam collocaturum esse, nō ad nocendum, sed ad salutem humani generis: potius duximus tātis instructum viribus eligendum esse, quam alium his necessarijs præsidijs destitutum. Hoc consilio censuimus boni Principis potentiam autoritate armandam esse. Et quoniam nos non tantum Germaniæ, sed vniuerso orbi terrarum consulere debemus, vires cōparandæ sunt aduersus valentissimos hostes, non modo Germaniæ, sed totius Christiani nominis. Tantis incrementis, & tam subitis, annos iam fermè centum auctæ sunt res Turcarum, vt nemini dubium esse possit, eos Imperium orbis terrarum sibi polliceri, non modo propter virium magnitudinem, sed multo magis propter inusitados atque admirabiles successus. Et vt omittamus priora, Selymus nuper non minori virtute, quam felicitate Persas, antea inuictos, ingenti proelio superauit, & ex Armenia eiecit. Deinde duobus amplissimis regnis Syria & Aegypto potitus est. Et in oriente Imperij Turcici limitē eum cōstituit, qui quōdā Romani Imperij fuerat. Ac tantā gloriam cō-

secutus est, ut maiores suos nō solū regni amplitudine, sed etiā scelicitate superare videatur. Nam & pater & auus Machometes, cū quidē dux esset vnus omnium ætatis acerrimus, & scelicitissimo cum tentassent Syriam, acceptis magnis detrimentis inde sunt repulsi. At Selymus, velut in eodem cursu, profligato Persico exercitu, Syriam atque Aegyptum non sine acerrima dimicatione in potestatem suam redegit. Hunc, cum natura gloriæ & potentie cupidus sit, non accessio virium, non magnitudo successuum incitaret ad res maiores suscipiendas. Ille vero iam clausū cecinit, & exercitus in Pannoniā misit. Videmus autem fatū quodam hoc tempore duas bellicosissimas nationes conuenientas esse, Germanicam & Hispanicam: ac tenet Carolus magnā Italiæ partem. Itaque si omnium gentium consilij, dux aduersus Turcas legendus esset, haud dubiè omnium votis expeteretur, & omnium suffragijs designaretur Imperator Carolus. Quare & vos plerasque alias gentes, quæ cum Imperio nostro societate, aut foederib. coniunctæ sunt, speramus iudicium nostrum summo studio probaturos esse: præsertim cum omnes noriat Carolum singulari moderatione naturæ præditum esse, maximeque à superbia, frivitiâ & cupiditate iniusta dominationis, abhorrere. Esset enim formidanda liberis tanta potentia, essent metuendæ Imperij & orbis terrarum graues mutationes, nisi naturæ bonitate & timore Dei potentiā moderatur⁹ videretur: quod ut speremus, grauissimis argumētis adducimur. Indoles enim ipsius penitus nobis perspecta est, cognouimusq; eam habere infixā animo mirificā reuerentiā erga religionē, fidē pactorū cōstātissime præstare,

& à crudelitate quā maxime abhorrere. Sunt autē omniū reliquarū virtutū nutritrices, Religio, veritas, & mansuetudo, Deinde familiæ natura mouentur, quæ Imperium iam annos plus octoginta ita tenuit, vt nondum pœnitere nos Austriacorum Principum debeat. Inprimis enim enituit in vtroque, in aui & proauo, eximia moderatio & lenitas quæ quidem in Maximiliano Cæsare non poterat segnities videri. Nemo enim erat illo in armis acrior. Quoties armis dimicauit ipse? Quoties paruis copijs, ingentes fudit exercitus? Nunquam fortunæ succumbebat eius animus. Rursus in victoria, in toga mitissimus erat. Et quod singularis erat prudentiæ, præcipuo studio cauebat ne iracundia incitatus, præberet occasionem mutationibus Ecclesiæ aut Imperij. Ab hoc prognatum Carolum, referre auitam moderationem animaduertimus: & ea esse grauitate præditum scimus, vt intuens in maiorum exempla non sint commissurus, vt ab illis degenerasse dicatur: vt alienos mores, indignos maioribus, accersuisse, vt primus laudatissimæ familiæ notam superbiæ, & crudelitatis inuississe feratur. Meminit etiam aui præcepta, de timore Dei, de cura tuendæ religionis, de clementia: quæ vt decet, velut oracula obseruat. Quamquam quid opus est longa oratione? Iam specimē industriæ & virtutum aliarum dedit in Hispania. Aui eius materno extincto, magni motus in regno, & ciuiles discordiæ erant exortæ. Has aduentu suo repressit: cumque eius nationis ingenia bellicosissima sint, & externos dominos non facile patiantur, tamen ipse non tam armis, quam virtutis ac præ-

ac præcipuè bonitatis admiratione, totam Hispaniam nunc ita retinet in officio, vt nemo regum vnquam tam pacatam teuerit. Quare quantum humanitus prouideri potuit, elegimus Imperatorem, in quo cum virtute potentia coniuncta est, vt eius vires præsidio essent religioni, Imperio, & vniuerso nomini Christiano. Proinde vos auspicijs Imperij ipsitis læta & fausta præcamini: eique libenter obedite, vt decet Principes & populos amâtes publicæ tranquillitatis. Postremo cum ingentem luctû & mœrorem, interitus Maximiliani attulerit, decet vos vim fati æquiore animo ferre: postquam nepos, quem ille charissimum habuit, & nobis aliquando commendauit, ipsi successit, vt non omnino extinctus videri possit. Deinde ipsius manibus hoc officium tribuere, vt maiori studio nepoti pareatis, & consilijs vestris & copijs, suscipientem grauissimâ Imperij molem, summa concordia adiuuetis. Quod eo etiam vobis faciendum est maiore cura vt Imperij possessionem retinearis, quam sine concordia tueri nequaquam possumus. Cogitate autem quantum decus sit, vnam hanc nationem delectam esse, quæ non tantum suos fines defenderet, sed custos esset etiam cæterarum gentium: & pro communi salute Christiani nominis præcipuam stationem teneret. Hoc decus magna virtute partum à maioribus, & annos fere iam octingentos in hac natione conseruatum, sapientia & concordia Principum, nolite nunc per discordiam amittere, eaque in re cum vestræ gloriæ & tranquillitati, tum vero saluti orbis terrarum consulite. Idque officiû Principes & eos qui præsunt Reipublicæ, maxime debere Deo

re Deo statuere, ut communi salutem omnibus viribus consulant. Hæc renuncianti, populus cum plausu acclamabat. Nihil enim omnibus ordinibus erat optatius, quam electi expectationem Gallorum, qui Imperium sibi desponderant. Itaque audito Caroli nomine, omnes una voce & consensu electionem approbabant. Agunt gratias Deo Opt. Max. primum quod metus Ciuium bellorum sublatus erat consensu suffragiorum: Deinde, quod omnes iudicabant diuinitus orbi terrarum salutarem Principem datum esse. Omnes iam tum ominabantur huius Caroli virtutem & felicitatem præsidio futuram toti Europæ: omnes vota faciebant, ut auspicia essent fausta & foelicia. Secundum hæc, Legati ipsius Caroli Moguntia euocantur: qui magno honore excepti, atque in comitium introducti, certius ex ipsi Legatos agebant: cunctis suffragijs rite electum & renunciatum esse Romanorum Imperatorem. Deinde adhibiti consilium ab iisdem Principibus consuluntur de gubernanda Imperij administratione, donec rebus in Hispania constitutis, Carolus in Germaniam veniret. Nam ipso procul absente efficiendum erat, ut Germania tranquilla esset, neue Gallicæ factiones, motus in Germania excitarent. Delectus est igitur Casimirus Marchio Brandenburgensis, qui legiones certis in locis collocatas haberet in prædijs, & duceret exercitum, si qua belli gerendi necessitas incideret. Adiuncti sunt Electores certi, quorum consilio uteretur. His rebus constitutis, legati dimittuntur: quos discedentes prosecuti sunt Principes Electores usque Moguntiam. Inde Francofordiam reuersi. suos & ipsi Legatos

gatos cum litteris ad Carolum mittunt: cuius legationis, Fridericus Palatinus Rheni, principem locum obtinebat. Interea electionis nuncij magnis, diurnis, nocturnisque itineribus in Hispaniam cōtendunt, è quibus vnus eximia celeritate ceteros anteuersens, nono die Barcinum (vulgo Barsellonā vocant) peruenit, ex eo quo Francofordia profectus est: cumque latum, exoptatumque nuncium illuc attulisset, à rege, quem in cubiculo mane adhuc quiescentem inuenit: magno auri pondere donatus est. Nec Fridericus Palatinus longam in itinere moram fecit. Nam prid. Calend. Decembris eodem peruenit, cumque ad urbem accederet Barsellonā, rex cognito eius aduentu, ad tria ferme milliaria obuiam ei processit. Legatis benignè & comiter exceptis, inque oppidum introductis, litteræ Regi ab Electoribus scriptæ redduntur. In litteris primum inerat cōmemoratio beneuolentiæ Principū erga Carolū, & officij. Cum autem Imperia fato regantur, narrabant diuinitus hanc electionē gubernandā esse, vt suffragiorum concordia, & vniuersæ Germaniæ vota consentientia ostenderent, etsi ipsi etiā iudicio suo de familia, deque ipsius virtute, neminem putarint ipsi anteferendum fuisse. Huic orationi grauitè scriptæ, adiecta erat petitio, vt Imperium sine recusatione acciperet, & constitutis rebus in Hispaniā, maturè iter in Germaniam Carolus, acceptis & lectis litteris, cum existimaret se quasi diuina voce, tanto consensu totius patriæ vocari, etsi videbat quanta rerum moles sibi imponebatur: tamen & Deo obtemperandum, & patriam non destituendam esse censebat. Respondit autem Legatis per Mercurinum Oratorem:

Huic enim summa laus eloquentiæ tribuebatur. **V**-
sus est igitur Mercurinus luculenta Oratione, at-
que huiusmodi verba fecit. Iure lætatur rex Caro-
lus, cum beneuolentia, tum vero etiam grauissimo
iudicio summi Senatus, Germaniæ Principum, qui
tam dubio tempore Imperij gubernationem ipsi
vni, tuto commendari censuerunt. Quid enim aut
gratius ei accidere potest, quam quod ab vniuersa
patria se vere amari intelligit? aut honorificentius?
quam quod sapientissimi Principes tantam ipsi vir-
tutem tribuunt, & quasi diuinantes, eam spem de
ipsius fide & foelicitate conceperunt, neminem vt
ad hoc Imperij fastigium, quam ipsum, euehere
maluerint. Vicissim igitur & patriæ pietatem, &
cognatis Principibus beneuolentiam perpetuam
pollicetur. Deliberantem autem de Imperio acci-
piendo diuersæ curæ diu exercuerunt. Etsi enim
magni animi est, non deterreri mole rerum & mag-
nitudine periculorum, quæ videntur impendere
intuenti nunc Italiam quæ à Gallis tenetur, nunc
Turcas denunciantes bellum Pannonijs, tamen cum
vere sit diuina res gubernatio, nec nisi aspirante
Deo, foelix esse possit, contanter & religiose Impe-
ria accipienda sunt. Hæc etiam Hispania, etsi vires
suas, quæ non sunt exiguæ, ad societatem rerum ge-
rendarum offert, tamen ipsum regem domi, velut
in specula regni, assiduum esse mallet. Sed e regio-
ne durum videbatur, patriæ opem ab ipso implo-
ranti deesse. Mouit etiam animum gentilium decus
atque honestum esse iudicat, aui & proau exempla
sequi. Et cum auus collapsas res rursus erexerit,
cumque huic familiæ potitæ hoc fastigio, tantæ ac-
cesserint

cefferint opes, arbitramur diuinitus hanc familiam ad Imperij defensionem vocari. Postremo etiã principum Electorum votis & iudicio permouetur, vt rem omnium difficillimam, Imperij gubernationẽ, suscipere minus recuset. Tam multæ graues causæ cum concurrerent: cumque diuinitus se vocari ad Imperium, patriæ cõsensu, statueret: tandem, quod foelix faustumque sit, Imperium accipere rex Carolus decreuit: & hanc voluntatem suam Dux Friderice à te exponi Electoribus, & perferri in totam Germaniam postulat. Principio vero quod Regum sapientissimus Salomon vnum optabat, id ipse quoque optat, cum humana sapientia non sit par tantæ gubernationi, vt Deus pectus & consilia ipsius in toga, & in armis regat, ac perficiat, vt Ecclesiæ & toti generi humano, hæc ipsius gubernatio salutaris sit. Meminit rex Carolus, ex hac ipsa Hispania duos Principes ad Imperium vocatos esse, Traianũ & Theodosium: quorum alter optimus appellatus est: alter non solum bonitate & armis Traiano par fuit, sed etiam hac lande excelluit, quod vere Deum coluit: ac perfecit, vt Euangelium latius propagaretur, & concordiam Ecclesiæ, pie, diremptis dissidijs, constituit. Hi duo Principes ex Hispania euocati, cum fuerint salutare orbi terrarum, lætatur omine. Horum exempla sibi proponet, & annumerari laudatissimis Imperatoribus volet. Summa virtus maiorum fuit in vtraque familia, Austriaca & Hispanica: Horũ similitudo in regis Caroli natura & indole iam præclare lucet. Comitatur autem fœlicitas cum cæteris virtutes, cum vero præcipue pietatem erga Deum, quæ in rege Carolo eminet.

Quare spes est eius gubernationem faustam, foelicè & salutarem fore orbi terrarum, & vt sit, omnes boni toto pectore vota facere debent. Tu vero dux Friderice ito, & Principibus Electoribus gratias ago quorum cognouit eximiam beneuolentiam esse, ac voluntates eorum confirmato, & Imperatorem Carolum petere dicito, vt ipsi tanquam custodes publicæ pacis, sua fide, concordia, virtute, Germaniæ tranquillitatem tueantur, donec Imperator in Germaniam veniet, qui quidem aduentum maturare quamprimum decreuit. Hæc cum Mercurinus dixisset, tota curia lætitiæ plena, regi Carolo & Imperatori omnia fausta precabatur. Postea scriptæ sunt literæ ad Electores, in quibus rex se imperium accepisse proficitur, & de constituendo statu Imperij nihil sine consilio Electorum facturum esse proficitur. Commemorat sibi beneuolentiam ipsorum iucundissimā esse; & voluntates eorum confirmat. Postremo pollicetur etiam breui se in Germaniam venturum esse. Vt igitur sollicitis Electoribus quāprimum voluntas Caroli Imperatoris significaretur, Fridericus Palatinus amplissimis muneribus ornatus, statim dimissus est. Cæsar autem initio veris ex Hispania soluens, traiecit in Angliam, vbi à rege Henrico VIII. non solum comiter, pro ipsorū necessitudine & hospitij iure, sed etiam splendidissimo apparatu, exceptus est. Cumque foedera inter duos reges confirmata essent, Anglus pollicitus est se Caroli coronationi interfuturum esse, honoris ipsius causa. Post paucos dies inde venit in Belgicum, vbi magna frequentia omnium ordinum, faustis cum omnibus excepit. Gratulantur reditum

eo maiore veneratione : quia iam virum cernebant Principem, qui in Hispanjam ante annos aliquoz admodum adole' cens profectus fuerat. Oprant læta & foelicia Imperij, auspicia. Commoratur autem rex Carolus aliquantisper in Belgico: tum vt ciuitatum suarum statum cognoscat : tum vt angli aduentum expectet. Sed hunc facile rex Franciscus perpulit, ne Carolum comitaretur, ac sibi Angelum nouis paction. b. sadiunxit, quæ deinde magnas rerum conuersiones attulerunt. Tandem igitur Aquisgranum venit rex Garolus, florem secum Burgundicæ & Belgicæ nobilitatis ducens. Et quanquam in oppido & vicin a grassabatur lues pestilens, tamen ne noui exempli autor esset, mutare locum coronationis noluit. Aduenienti obuiam processerunt Electores, & fere omnes reliqui Germaniæ principes Aderat & cœ us sacerdotum, Caroli Magni monimenta gerens: Posterodie, fuit dies duodecimus mēsis Octobris: coronatus est in æde maiori Aquisgrani, veteri ritu. Moguntinus & Coloniensis indutum ttabea ad aram adduxerunt. Dux Palatinus orbis figuram præferebat: Dux Saxoniz enssem, Marchio Brandenburgensis sceptrum Treuirensis vero, more à maioribus accepto, regem vnxit. Hic ad arum iusiurandum prælectum est Deinde corona à Moguntino & Coloniensi imposita. Postea tradita, sceptrum & ensis. His cæremonijs peractis, regium conuiuium apparatus: in quo Electorum distributa sunt ministeria. Astat Moguntinus codicillos, & sigillum manu gestans : Marchio Brandenburgensis sceptrum, regis Bohemici legatus, pincernæ munere fungitur, Palatinus, Napiferi.

Interim in foro dux Saxoniae anenam equitibus distribuit. Assatur & taurus integer, refertus altilibus omnis generis, unde primum coronato regi Romanorum apponitur ferculum. Post coronationem Caesar cum Principibus Coloniam venit, ut de futuro conuentu colloquerentur, in quo de veteri more post coronationem lex de pace communi renouatur, & de summa Reipublicae deliberatur. Decretum est igitur, ut ad Calendas Ianuarias indiceretur conuentus Vormatiae. His actis, & Carolus in Belgium redijt, & caeteri Principes in suas ditiones discesserunt.

INAVGVRANDI CAESARIS MODVS,
& caeremonia.

ANno salutis humanae 1520. Carolus Quintus hoc ordine ac processu secundum Imperij constitutionem designatus est Imperator. Octobris diem sextum Carolus designat Electoribus, ut inaugurationis causa sibi praesto sint sint Aquisgrani: sed per id tempus admodum sauebat ibi pestis. Itaque Principes, ubi Coloniam venissent, decem ab Aquisgrano miliaribus, & grafsantis morbi fama quotidie cresceret, missis literis atque legatis, Caesarem, qui tum erat Louanij, rogant propter eam causam alio se conferat. Oppidani vero, qui maximos iam sumptus fecissent in adornandis domicilijs & alimonia comparanda, per idoneum interpretem, morbi vim extenuantes, animum eius confirmant ne dubitet venire. Perstitit

tit igitur in sententia Cæsar, neque Caroli Quarti legem, qui sic statuisset, temerè se posse mutare dicit. Octobris ergo die 21. veniunt eo Moguntinus, Colonienſis, Treuericus, Saxonix ducis, & Brandenburgensis Marchionis legati. nam Saxo per causam valetudinis Colonix substitit, Postridie obuiam Cæsari contendunt, & appropinquantem honorificè, cum ex equis descēdisſent, excipiunt, verba faciente Moguntino: ipse per Salisburgensem Cardinalem beneuolè respondet. Coniunctis igitur agminibus urbem petunt. ante portam occurrit Palatinus. Equitatus erat omnis Electorum, circiter mille sexcenti, partim hastati, partim sagittarij, Cæsaris autem ad duo millia, splendidissimè omnes vestiti. Dux Cliuensis Ioannes, planè finitimus, equites adduxerat quadringentos, insigniter armatos. Ijs contentio multa fuit cum Saxonis, vtri præcederent, ita quidem vt pompā istam, qua vix vllam Germania viderat illustriorem, nox interpellaret. Latus vtrunque Cæsaris claudebant Colonienſis & Moguntinus; ponè sequebatur Bohemix Regis Legatus, item Sedunensis & Salisburgensis & Croius, Cardinales: regum atque principum oratores, Pontificius tamen aberat & Anglicus, quod eo fecisse putantur, ne postpositi Principibus Germanis, eorū à quibus erant missi, viderentur imminuere dignitatem.

Cæsar in ædem diuæ Virginis introductus, ibique precatus, ac deinde cum Electoribus collocutus, in domicilium suū diuertit. Altera die rursus in templo conuenitur: tantus tamen erat hominū concursus, vt à stipatoribus armatis ægrè coerceri

possent, In medio templi dependet corona quædam perampla: subtus erant stragulæ vestes permultæ: hic aliquamdiu Cæsar pronus decumbit: interea dum Colonienfis quasdam preces absoluit. Postea subiatum Moguntinus atque Treuericus ad aram diuæ Virginis adducunt. Hic iterum procumbit, & peractis precibus in solium auratum deducitur. Incipit sacrificare Colonienfis, & aliquoufque progressus, Latinis verbis rogat, an fidem Catholicam seruare, defendere Ecclesiam, administrare iustitiã, restaurare Imperium, tueri viduas, pupillos & id genus calamitosos homines, an honorẽ debitum Romano Pontifici velit exhibere. Vbi annuit, ductus ad arã, conceptis verbis iurat: post ad solium regreditur.

Principes deinde Colonienfis interrogat, an fidem & obsequium ei præstare velint. Eo promisso, & rursus aliquot dictis precibus, in pectus & caput & brachiorum flexus, & manuum palmas illi inungit: vnctum Moguntinus & Treuirensis in sacrarium abducunt, atque ibi Diaconi more vestitum, rursus in cathedram collocant, & post certas iterum preces, archiepiscopis collegis adhibitis, ensẽ euaginatũ ei Colonienfis tradit, ac Rempublicam cõmendat: & gladio in vaginam recondito, anulum inferit eius digito, postea pallium induit regale, sceptrum quoque porrigit atque pomũ, quod Orbis terrarum figuram repræsentat: diadema vero simul Archiepiscopi tres eius capiti superimponunt, inde ad aram adductus, iterum iurat se facturum boni principis officium: post in sublimiorem locum comitantibus Archiepiscopis ascen-

ascendit, & in saxeâ sede collocatur. Ibi Moguntinus lingua populari verba facit, & multam ei salutem precatus, se suosque collegas & omnes Imperij ordines diligenter commendat. Idem deinde faciunt primarij templi sodales, quorum in collegium etiâ allectus fuit, veteri consuetudine: post hæc publicam lætitiâ symphoniaci & tubicines excitabant. Harum rerum omnium spectatrix erat Margarita, Cæsaris amita, quæ Belgio toti præerat. Peracto sacro, cum Cœnam Domini Cæsar percipisset, in equestrem ordinem recipit volentes. Hic honos communicari solebat antiquitus ijs tantum, qui strenuè pugnassent in hostem, eratque præmiû fortitudinis: nunc autè recepta cōsuetudine, reges gladio stricto leniter feriunt humeros eorû qui hunc ordinem affectant. Et hæc sola cœremonia promiscuè multi hodie sunt equites, non ex nobilitate tantû, sed mercatores etiâ & quicunque præ ceteris in honore esse volunt. E templo ventû est in palatium magnificentissimè comparatû. Ibi demû Cæsar prandium sumit, & Electores etiam singuli separatim in eadem aula, dispositis mensis ad utrûque latus mensæ Cæsaris, Treuirensē locum obtinente contra Cæsarem, iuxta formulam legis Carolinæ. Veteri consuetudine bos eo die torretur, factus alijs animalibus. Ex eo pars reliqua deferretur ad Cæsarem, reliquum est multitudinis. vinum etiam duabus fistulis ad eam rem comparatis toto die publicè profunditur. A prandio reuersus in diuersorium Cæsar Imperij sigilla Moguntino tradit: postridie cœnam dat Electoribus. Eo qui secutus est die, templû ingressus, finita Missa, Diuorum reli-

reliquias, vti vocant, veneratur; & in his linteo-
 lum, quo Seruatorem nostrum in cunis vagientem
 inuolutum fuisse confirmant. Ab eo Moguntinus
 proficitur, Pontificem Romanum, approbata crea-
 tione, iubere vt electi Cæsaris nomen in posterum
 Carolus vsurpet. Digressis Electoribus, ne diutius
 hæreant in loco pestilenti, Cæsar etiam iter susci-
 pit: & cum sub Calend. Nouemb. Coloniã Agrip-
 pinam venisset, dimissis per Germaniam literis,
 Imperij conuentum indicit, & vt Ianuarij mensis
 die sexta, Vvormatiæ sibi præsto sint omnes iubet.
 Porro quod Moguntinus de Pontificis approbatio-
 ne dixit, moribus ita receptum est & inoleuit. Nam
 etsi, vt quidam volunt olim Episcopi Romani
 solebant ab Imperatoribus approbari, cum essent
 tenuiores: amplificati tamen non solum arbitrati
 suo regere cœperunt, verum etiam eò rem addu-
 xerunt tandem, post acerrimas contentiones, vt
 eligendi quidem ius, Germaniæ septemviris per-
 mittant, confirmandi vero potestatem sibi propriã
 esse dicant. In Gregorij enim Noni decretalibus
 epistolis, Innocentius tertius affirmat, ius eligendi
 Cæsaris beneficio Pontificum & Ecclesiæ Romanæ
 delatum esse à Græcis ad Germanos, & ad Carolũ
 Cæsarem cognomento Magnum, & ipsorum esse
 cognoscere ac iudicare cum idonea sit persona. Iu-
 rificandum insuper à summo totius orbis Monarcha
 exigunt, vt Ecclesiã Romanam defendat, vt hære-
 ticos exterminet, vt Pontificum dignitatem modis
 omnibus tueatur, vt priuilegia quondam Ecclesiæ
 Romanæ concessa, quocunque tempore conseruet,
 in primis ea quæ profecta sunt à Constantino, Ca-
 rolo

rolo Magno, Henrico, Ottone quarto, Friderico secundo, Rudolpho: ne quid iuris in vllas Ecclesiæ Romanæ facultates atque possessiones, quocunque titulo sibi vendiceret: vt reliquas etiam vbiuis Ecclesias, earumque libertatem atque iura protegat. His rebus deuinctum sibi Cæsarem asserit.

*MAXIMILIANI I. ELECTIO
ex antiquo libro Germanico strictim
excerpta.*

ANno MCCCC LXXX VI. Fridericus II. Imperator cum Electoribus Francofurti comitia celebrauit: in quibus filius eius Maximilianus I. in Romanorum Regem est electus, h s fere ritibus.

Primo magna Equitum, Nobilium, Consiliariorum multitudo præcessit: quos Comites & Barones magno itidem numero sequuti sunt. Post hoc Feciales siue Heraldii in solenni habitu.

Inde Principes tam Ecclesiastici quam seculares: Episcopi Vormatiensis, Spirensis, Teutonicæ familiæ magister, Duces Saxonix, Bauariæ, Geldrix, &c.

Albertus Elector Brandenburgicus, sella ad templum ferebatur: post hunc Comes Palatinus Philippus, cui læuam Maximilianus Imperatoris filius, &c. claudebat. Inde Archiepiscopus Treuirësis: inter hunc & Imperatorem Dux Saxonix, ensen portans. Sequebatur Imperator, à dextra Moguntinum, à sinistra Coloniensem habens. Pone hos Episcopi

scopi Bambergensis, Augustanus Eistetenſis, Comes Verdenbergensis, & alij.

Imperator & Electores in sacrum ingressi, solemnes habitus sumserunt: ut & Maximilianus, Archiducali vestitu pileo imprimis ornatus. Egredi inde, ad altare constiterunt hoc ordine: Imperator loco vno gradu editiori, in latere quo Epistola legi solet. A dextra Moguntinus, Palatinus potum Imperij tenens; Maximilianus Austriacus. A sinistro Colonienſis, Saxo, Brandenburgicus. ante Marescallum stabat Baro Vnisbergius, sceptrum tenens. E regione Imperatoris, circiter quinque passus medio in choro ante altare. Treurenſis. Et in eodem latere reliqui Episcopi & Prelati. Latus vero in quo Euangelium decantari solet, Duces seculares occupabant. Librum Euangelij & Pacem Treurenſis Imperatori ad osculum porrexit. Eandem medium Moguntinus & Colonienſis, praeunte Treurenſi; ad altare deduxerunt: sequentibus Palatino, Saxone, Brandenburgico, & Maximiliano Austriaco, Imperatoris filio.

Ab altare primus Imperator; inde Treurenſis, postea Moguntinus, & deinceps ceteri munera sua obtulerunt.

Vbi cantus ad verba illi, Sanctus, &c. processisset, Limpurgius pincerna coronam ab Imperatoris capite sustulit: Sed, decius vero inter Imperij potum Pappenheimius ensẽ, Vnisbergius sceptrum tenebat: quae insignia sumpta à sacerdote Eucharistia, Electores rursus ipsi ad se receperunt.

Peracto

Peracto sacro, Electores ad altare accedentes, iureiurando sese obstrinxerunt. Inde cum Imperatore sacrarium regressi, circiter vnus horæ consultatione habita, tandem Treuirensis Palatinus, & Saxo ad Maximilianum; qui solus foris solio insidens remanserat, venerunt, quomodo in Romanorum Regem electus sit renunciantes. Is in genua coram ipsis procidens, capite reuerenter aperto, & complicatis manibus, gratis illis egit, quasi tantum honorem deprecans. Mox surgens, cum eis sacrarium ingressus, ibi iusiurandum solito more præstitit, quod Secretum Electionis vocant. Post hæc cæteri Principes, Comites & Barones tamquam testes, itemque duo Notarij aduocati sunt, & quomodo eo die Maximilianus Austriacus in Regem Romanorum, assentiente Imperatore, electus esset, in scriptum refertur.

Educitur deinde ad altare, præeunte Treuirensi solo, deinde Palatino & Saxone, insignia Imperij ferentibus, nouus Rex ad sinistram Imperatoris: vtrique vero Colonienfis laeuam, Moguntinus dexteram claudebat.

Recitatis aliquot precibus & Collectis, Rex regio habitu induitur, & ab Electoribus altari imponitur. Tum campanæ omnes pulsari, & organa, tux aliaque varia Musica instrumenta personare cœperunt, eiusmodi repetito concentu, Cancellarius Moguntini populo Electionem Regis denunciat, utque cum omni honore & obedientia prosequantur omnes, monet.

His omnibus peractis, & choro aperto, pompa rursus templo egressa est hoc ordine. Imperator & Rex medij inter Moguntinum à dextris, & Coloniensem à sinistris Ante ipsum Saxo medius inter Palatinum & Brandeburgicum, Imperij portantes insignia. Tres hos præcedebat Elector Treuirēsis; hunc Albertus Saxo & Henricus Brunswicensis: Ioannes Bauarus & Fridericus Saxo: Gaspar Bauarus & Ioannes Saxo: ac ante hos alij Principes Comites Barones, & Nobiles. Facta est hæc Electio die Iouis ante Dominicam Inuocauit, Anno MCCCCLXXXVI.

Iam quomodo ciuitas Francofordiensis eidem Regi homagium præstiterit, paucis indicabimus. Die 25. Martij, ipsa Paschatis vigilia, hora tertia pomeridiana portis omnib. clausis, & ciuib. aliquot armatis per urbē dispositis, multitudo ad sartoria tribus domum conuenire iussa est. Rex in domum cui Paradisi insigne fuit, diuertit. Ibi duo consules & quidam Senatores ad eum venerunt, præstitoque homagio bullam, qua priuilegia ipsorum confirmantur, ab eodem acceperunt. Quo facto, Cancellarius populo monstrata bulla, verba præit, quibus singuli, erectis digitis, obedientiam Regi promiserunt.

REGII EPVLI IN ELECTIONE MAXI-
 miliani II, Austriaci, Anno M. DLXII, Fran-
 cosurti celebrati descriptio,

PER ACTIS in fano ceremonijs omnibus,
 in Curiam inde ad prandium pro Cæsare,
 Rege ac reliquis Imperij ordinibus sum-
 tuosissime apparatus proceditur, Pone tres Regij
 stipatores sequebantur, qui equis insidentes, in
 vulgus missilia iactabant, numos scilicet aureos
 & argenteos, ita vtrinq; signatos vt in altera par-
 te, *Maximilianus D. G. Bohemia Rex*, in altera,
coronatus est in regem Romanorum Anno LXII. le-
 geretur. In Curiam vt ventum est, ybi Cæsar &
 Rex sua mensa, omnibus alijs septem gradus edi-
 tiori, confidere coeperunt, Electores singuli sua
 ex aureæ Bullæ præscripto, munia obierunt, Et
 quidem omnium primo Brandenburgicus, qui
 Camerarij numere fungitur, curia descendens, in
 equum generosum ascendit, & ad mensam in me-
 dio foro stratam properans, auream inde peluim
 & mappam accipit, & in Curiam rediens, Cæsari
 & Regi, vt manus lauent & abstergant, ad mini-
 strat; post pelui, mappa & equo Comiti Zollera-
 no ex iure antiquo cedentibus. Deinde Saxo qui
 Ensisferum & Marefcallum agit, in equum agili-
 me insiliens, eo in auenæ aceruum prope Curiam
 effusum incitato celerrime fertur, indeque mo-
 dium implet argenteum, postea modio & equo
 Marefcallo inferiori de Pappenheim tributo, aue-
 na autem pro derelicto habita, vulgiq; disceptio-
 ni concessa. Postea Palatinus Archidapifer ad
 sequi-

coquinam extra Curiam prope Franciscanorum
 ædem constructum expeditus in equo aspirat, in-
 dequeque assumptò ferculo Curiam versus redi-
 tum maturat: ibi equo relicto, fercula ad men-
 sam Cæsaris, Saxone nigrum bacillum præferen-
 te apportat. Eius equum una cum argenteis qui-
 bus fercula gestabantur patinis, iure quodam
 peculiari Dominus Soldeckius adeptus fuit.
 Consecrant, mensam Archiepiscopo Treuiro verbis
 præunte, cui reliqui duo respondent. A consecra-
 tionis Moguntinus, comitantibus Treuiro &
 Colonienfi, codicillos Imperijq; sigilla ex oblò-
 go argenteo baculo plus minus duodecim mar-
 carum precij, dependentia Regi offert, Rex sigilla
 allata Moguntini collo accommodat, recipiens, Sè
 quum ipsos Archicæcellarios Electoresq; reliques
 ac vniuersos Imperij ordines sibi quæcommenda-
 tissimos habiturum, tum iura atq; priuilegia ip-
 sorum non modo ab omni defensurum iniuria &
 violatione, sed & quum res ita feret, etiam ampli-
 ficaturum esse.

Hisce officijs posteaquam Electores solenniter
 sunt defuncti, singuli separatim mensis in eadẽ
 aula splendidissime instructis dispositisq;, ad v-
 trumq; Cæsaris & Regis mensæ latus, accumbunt.
 A latere dextro primam occupat Moguntinus,
 alteram Palatinus. Ad sinistram, primam tenet Co-
 lonienfis secundam Saxo, tertiam Brandenburgicus.
 Contra Cæsarem & Regem mensa erat posita, cui
 Treuirensis, iuxta legis Carolinæ formulam accu-
 bit. Hæ autem mensæ omnes tam Cæsarium quam
 Electorum, aureis adornatæ stragulis magnificen-
 tissime

tilissime, nitebant, supra etiā & à tergo aureis auxiliis affabre sumptuosissimoq; opere cōfertis, dependentibus. Præter iā dictas mēsas aliæ duæ oblongæ in eodē stabāt cēnaculo, ad quas collocati sunt Teutonicæ familiæ Magister, Virceburgicus & Spirēsis Episcopi: itē Bauarus, Iuliacēsis, & plures alij Duces ac Principes viri. In contiguo aula hypocausto etiā aliæ quatuor mensæ instructæ erant, quarū primæ legati Colonienſes, secundæ Aquisgranenſes, tertiæ Norici, quartæ Francofurtensos accumbebant. Mensis singulis singuli abaci, omnis generis aureis atque argenteis vasis intriclinijs expositis opulētissimi, adstabant. Mensam Cæsaream procurabant præter ceteros, duodecim præcipui Imperij Comites, Electorum vicem obeuntes. Habebant quoq; Electores & Principes suos singuli Comites, & Nobiles, qui illis à dapibus & poculis erāt. Legatis quatuor civitatū certi etiā attributi erāt ministri. Ceterū licet conuiuiū insigni magnificētia ingentiq; epularū apparatu instructissimū, senis sic præberetur ferculis, vt dena simul edulia apponerentur; inter ea tamen cōplura esui nō apta, digna solū erant quæ cū admiratione oculos pascere. Bellarijs etiā secundæ præsertim mense, exquisitissimis, viniq; preciosissimis fuerunt instructæ. Interim dū sic

Regifice exstructis, celebrant conuiuiam mensis,
ante Curiam album & rubens merum duabus fistulis perspeciem bicipitis Aquilæ, editæ columellæ impositæ, subterranea deriuatione profundebatur (sic Neapoli quoq; in Friderici Cæsaris aduētū plurib⁹ diebus nobilissima vena, in speciem aquæ

em aquæ ex temporarij fontibus vbertim fluxisse, testatur Sabell. lib. 8. cap. 7.) Veteri etiam consuetudine Bos integer multis alijs animalibus fartus, ligneo veru in foro correbatur, ex quo parte aliqua ad inauguratum Regem Romanorum delata, reliquum multitudinis direptioni cessit. Mensis remotis, Tréuirensis gratias Deo egit: postea Cæsar & Rex suis ornati insignibus, ab Electoribus ceterisque Ducibus, Principibus, Comitibus, Baronibus & anteambulonibus domum deducuntur, ex Bullæ Carolinæ præscripto Electoribus suum quoque munus obeuntibus; quibus deductis, singuli in sua se receperunt palatia.

DESCRIPTIO EPULI REGII, IN CORONATIONE Caroli V. Cæsaris, Aquisgran exhibit.

Simile Imperatorium siue Cæsareum Epulum in Caroli V. Cæsaris coronatione Aquisgrani magnificentissime celebratum, plenius Hartmannus Maurus testis ocularis, hunc in modum descripsit.

Regia Maiestas Imperiali habitu atque ornatu induta, delatis ante se Imperij insignibus, maximo Electorum ceterorumque Principum comitatu in palatium tota Germania celeberrimum, cuius latus forum spectans, marmoreis Imperatorum statuis mirifice exornatum ascendit, ubi omnia ad splendorem & pompam magnificèntissime aureis peristromaribus, stragulis & aulae sic adornata fuere, ut maximam rationem publicæ dignitatis habitam fuisse dicere potuisses: solemniq; cōiuiio, præter Principes Germaniæ statusque Romani Imperij nemo adhibebatur. Statim

Statim atque Rex ascendisset, minor Imperij Mareſcallus Vlticus à Pappenheim, equo cui inſidebat, in cumulum auenæ uſque ad pectus adactō, argenteum modium duodecim marcarum publice in foro, ex more, vice Ducis Saxoniz, a uena impleuit. Aurea deinde pelui aqua regijs manibus à Ioanne Marchione Brandenburgico, & Comite Zollerenti minore Imperij Camera-rio dabatur: tenuitque Comes Palatinus & alij Principes adſtantes mappam, qua regiz manus abſterſæ ſunt. Comes deinde Palatinus Archida- piſer, præcedente ſubmareſcallo, geſtante ele- uatum bacillum, cum Domino de Croy magno, & alijs minoribus Curiz magiſtris, ad regiam co- quinam deſcenderunt.

Antequam reuerterentur Electores, Archie- piſcopi menſam conſecrarunt. Quamuis autem antiquæ Annotationes Archiepiſcopo Coloni- enſi coronatori, hoc ſaltem illa die tribuunt, Tre- uirenſi tamen hoc ſibi comperere contendebat, ob cauſam, quod ſenior in conſecratione, id eſt, prior ſacris initiatus eſſet. Archiepiſcopus igitur Coloniensis ob ea quæ in Aurea Bulla continen- tur, cuius auctoritas in dubijs merito ſequenda, æquo animo ceſſit.

Post benedictionem Archiepiſcopus Mogun- tinus associatis duobus Archicancellarijs, Colo- niensi à dextra, Treuirenſi à ſiniſtra, ſigilla regiz à baculo argenteo duodecim marcarum depen- dentia, regiz menſæ obtulit; ſed mox reddita coſ- lo aptauit, toraque die publice inde pendentia geſtauit, quamuis Treuirenſis contēderet, Aquile-

vacua. In quarta prandium sumfere Episcopi, Vormatiensis, Ratisponensis, Dux Otho Henricus Bauariæ. Quinta ad tempus fuit vacua: postea occupata à Regijs Consiliarijs. Sexta assidebat magistratus Aquisgranensis. Norimbergenfes Legati, qui Imperialia ornamenta aduexerant, ad septimam mensam collocati fuerunt. Reliquæ duæ mensæ conuiuiarum vacuæ mansere.

Latere sinistro prope columnam, prima mensa Moguntini Archipræsulis. Secunda, Comitis Palatini. Marchionis Brandenburgici. Tertia, sed esculentorum vacua, ob eius absentiam. Quarto loco Duces Brunsvicensis & Iuliacensis accubuerunt. Quintam occuparunt missi à ciuitate Coloniensi.

E regione Regis directe posita fuit mensa Treuirenensis Archiepiscopi, paullum infra mensas Coloniensis atque Moguntini Archiepiscoporum. Conuiuium Regium opiparum lautissimumque quatuor fere horis miro & quasi regali cum silentio agebatur. Expleto prandio, gratijs à Treuirenfi dictis, omnia tubis tympanispue personabant, strictoque D. Caroli Magni gladio, iterum Regia Maiestas equites aliquot creauit.

Omnibus absolutis, Rex Imperialibus ornamentis indutus cum Electoribus suo quoque habitu peculiari vestitis, ingentiq; Principū frequentia atq; comitatu, præcedētibus ænearioribus hospitium intrauit. Regeque deducto, Principes ad sua quisque diuersoria contenderunt. Archiepiscopus Moguntinus statim R E G I sigilla cum argento baculo, insuper candidum eximi-

eximiumque equum dono misit: quæ omnia mox à Cæsare remissa sunt, Rege subiungente, se fidem Moguntini adeo exploratam perspectamque habere, ut sigilla Regia nulli totius quam ipsi credi posse existimet: Regem insuper futurum ipsi Dominum clementissimum, Episcopatumque Moguntinum potenter atq; efficaciter defensurum. Moguntinus fidei quidam suæ commissæ sigilla retinuit, argenteum autem baculum equumque D. Nicolao Zieglero, homini solerti, Vicecancellario pro honorario liberaliter dedit.

*Descriptio coronationis Caroli V. Bononiæ
celebrata, &c.*

His porro addere lubet aliud eiusmodi solemnitatis exemplum, quod in eiusdem Imperatoris Caroli V. coronatione apud Bononiam celeberrimam Flaminie orbem, præsentem Clementem VII. Rom. Pontif. magnifico apparatu agitatum fuit, & à Cornelio Agrippa eleganter admodum litteris proditum.

Magnificentissima pompa, inclinante se iam die, reuersus ad palatium Imperator, desiliens equo, primum eos qui signa & vexilla præferebant umbraculum gestauerunt, & alios plerosque cum nobilibus tum ciues & Scholasticos equestris ordinis auratos milites creauit. Deinde basilicam amplissimam aulam, auratis laquearijs & Babylonice peripetasmatis suspensam, tape-

scopi Bambergensis, Augustanus Eistetenfis, Comes Verdenbergensis, & alij.

Imperator & Electores in sacrarium ingressi, solemnes habitus sumserunt: ut & Maximilianus, Archiducali vestitu pileo inprimis ornatus. Egredi inde, ad altare constituerunt hoc ordine. Imperator loco vno gradu editiori, in latere quo Epistola legi solet. A dextra Moguntinus, Palatinus pomum Imperij tenens, Maximilianus Austriacus. A sinistro Colonienfis, Saxo, Brandenburgicus. ante Marescallum stabat Baro Vnisbergius, sceptrum tenens. E regione Imperatoris, circiter quinque passus medio in choro ante altare. Treuirensis. Et in eodem latere reliqui Episcopi & Prelati. Latus vero in quo Euangelium decantari solet, Duces seculares occupabant. Librum Euangelij & Pacem Treuirensis Imperatori ad osculum porrexit. Eandem medium Moguntinus & Colonienfis, praeunte Treuirensi, ad altare deduxerunt: sequentibus Palatino, Saxone, Brandenburgico, & Maximiliano Austriaco, Imperatoris filio.

Ab altare primus Imperator, inde Treuirensis, postea Moguntinus, & deinceps ceteri munera sua obtulerunt.

Vbi cantus ad verba illi, Sanctus, &c. processisset, Limpurgius pincerna coronam ab Imperatoris capite sustulit: Sed, decius vero interim Imperij pomum Pappenheimius ensẽ, Vnisbergius sceptrum tenebat: quæ insignia sumpta à sacerdote Eucharistia, Electores rursus ipsi ad se receperunt.

Peracto sacro, Electores ad altare accedentes, iureiurando sese obstrinxerunt. Inde cum Imperatore sacrarium regressi, circiter vnus horæ consultatione habita, tandem Treuirensis Palatinus, & Saxo ad Maximilianum; qui solus foris solio insidens remanserat, venerunt, quomodo in Romanorum Regem electus sit renunciantes. Is in genua coram ipsis procidens, capite reuerenter aperto, & complicatis manibus, gratis illis egit, quasi tantum honorem deprecans. Mox surgens, cum eis sacrarium ingressus, ibi iusiurandum solito more præstitit, quod Secretum Electionis vocant. Post hæc cæteri Principes, Comites & Barones tamquam testes, itemque duo Notarij aduocati sunt, & quomodo eo die Maximilianus Austriacus in Regem Romanorum, assentiente Imperatore, electus esset, in scriptum refertur.

Edncitur deinde ad altare, præeunte Treuirensi solo, deinde Palatino & Saxone, insignia Imperij ferentibus, nouus Rex ad sinistram Imperatoris: vtrique vero Colonienfis læuam, Moguntinus dexteram claudebat.

Recitatis aliquot precibus & Collectis, Rex regio habitu induitur, & ab Electoribus altari imponitur. Tum campanæ omnes pulsari, & organa, tux aliaque varia Musica instrumenta personare cœperunt, eiusmodi repetito concentu, Cancellarius Moguntini populo Electionem Regis denunciat, vtque cum omni honore & obedientia prosequantur omnes, monet.

His omnibus peractis, & choro aperto, pompa rursus templo egressa est hoc ordine. Imperator & Rex medij inter Moguntinm à dextris, & Coloniensem à sinistris Ante ipsum Saxo medius inter Palatinum & Brandeburgicum, Imperij portantes insignia. Tres hos præcedebat Elector Treuirësis; hunc Albertus Saxo & Henricus Brunswicensis: Ioannes Bauarus & Fridericus Saxo: Gaspar Bauarus & Ioannes Saxo: ac ante hos alij Principes Comites Barones, & Nobiles. Fasti est hæc Electio die Iouis ante Dominicam Inuocauit, Anno MCCCCLXXXVI.

Iam quomodo ciuitas Francofordiensis eidem Regi homagium præstiterit, paucis indicabimus. Die 25. Martij, ipsa Paschatis vigilia, hora tertia pomeridiana portis omnib. clausis, & ciuib. aliquot armatis per urbem dispositis, multitudo ad sartoria tribus domum conuenire iussa est. Rex in domum cui Paradisi insigne fuit, diuertit. Ibi duo consules & quidam Senatores ad eum venerunt, præstitoque homagio bullam, qua priuilegia ipsorum confirmantur, ab eodem acceperunt. Quo facto, Cancellarius populo monstrata bulla, verba præit, quibus singuli, erectis digitis, obedientiam Regi promiserunt.

REGII EPVLI IN ELECTIONE MAXI-
*milianii II. Austriaci, Anno M. DLXII, Fran-
 cosurti celebrati descriptio,*

PER ACTIS in fano ceremonijs omnibus,
 in Curiam inde ad prandium pro Cæsare,
 Rege ac reliquis Imperij ordinibus sum-
 tuosissime apparatus proceditur, Pone tres Regij
 stipatores sequebantur, qui equis insidentes, in
 vulgus missilia iactabant, numos scilicet aureos
 & argenteos, ita vtrinq; signatos vt in altera par-
 te, *Maximilianus D. G. Bohemia Rex*, in altera,
coronatus est in regem Romanorum Anno LXII. le-
 geretur. In Curiam vt ventum est, ybi Cæsar &
 Rex sua mensa, omnibus alijs septem gradus edi-
 tiori, considerare cœperunt, Electores singuli sua
 ex aureæ Bullæ præscripto, munia obierunt, Et
 quidem omnium primo Brandenburgicus, qui
 Camerarij numere fungitur, curia descendens, in
 equum generosum ascendit, & ad mensam in me-
 dio foro stratam properans, auream inde peluim
 & mappam accipit, & in Curiam rediens, Cæsari
 & Regi, vt manus lauent & abstergant, ad mini-
 strat; post pelui, mappa & equo Comiti Zollera-
 no ex iure antiquo cedentibus. Deinde Saxo qui
 Ensiferum & Marescallum agit, in equum agili-
 me insiliens, eo in auenæ aceruum prope Curiam
 effusum incitato celerrime fertur, indeque mo-
 dium implet argenteum, postea modio & equo
 Marescallo inferiori de Pappenheim tributo, aue-
 na autem pro derelicto habita, vulgiq; disceptio-
 ni concessa. Postea Palatinus Archidapifer ad

coquinam extra Curiam prope Franciscanorum
 ædem constructum expeditus in equo aspirat, in-
 dequeque assumptò ferculo Curiam versus redi-
 tum maturat: ibi equo relicto, fercula ad men-
 sam Cæsaris, Saxone nigrum bacillum præferen-
 te apportat. Eius equum una cum argenteis qui-
 bus fercula gestabantur patinis, iure quodam
 peculiari Dominus Soldeckius adeptus fuit.
 Consecrant, mensam Archiepiscopo Treuiro verbis
 præunte, cui reliqui duo respondent. A consecra-
 tionis Moguntinus, comitantibus Treuiro &
 Coloniensi, codicillos Imperijq; sigilla ex oblò-
 go argenteo baculo plus minus duodecim mar-
 carum precij, dependentia Regi offert, Rex sigilla
 allata Moguntini collo accommodat, recipiens, Se
 quum ipsos Archicæcellarios Electoresq; reliquos
 ac vniuersos Imperij ordines sibi quâcommenda-
 tissimos habiturum, tum iura atq; priuilegia ip-
 sorum non modo ab omni defensurum iniuria &
 violatione, sed & quum res ita feret, etiam ampli-
 ficaturum esse.

Hisce officijs posteaquam Electores solenniter
 sunt defuncti, singuli separatim mensis in eadē
 aula splendidissime instructis dispositisq;, ad v-
 trumq; Cæsaris & Regis mensæ latus, accumbunt.
 A latere dextro primam occupat Moguntinus,
 alteram Palatinus. Ad sinistram, primam tenet Co-
 loniensis secundam Saxo, tertiam Brandenburgicus.
 Contra Cæsarem & Regem mensa erat posita, cui
 Treuirensis, iuxta legis Carolinæ formulam accu-
 bit. Hæ autem mensæ omnes tam Cæsarium quam
 Electorum, aureis adornatæ stragulis magnificen-
 tissime

tilissime, nitebant, supra etiā & à tergo aureis aulæis affabre sumptuosissimoq; opere cōfertis, dependentibus. Præter iā dictas mēsas aliæ duæ oblongæ in eodē stabāt cenaculo, ad quas collocati sunt Teutonicæ familiæ Magister, Virceburgicus & Spirēsis Episcopi: itē Bauarus, Iuliacēsis, & plures alij Duces ac Principes viri. In contiguo aulæ hypocausto etiā aliæ quatuor mēsx instructæ erant, quarū primæ legati Colonienſes, secundæ Aquigranēſes, tertiæ Norici, quartæ Francofurtēſos accumbebant. Mensis singulis singuli abaci, omnis generis aureis atque argenteis vasis intriclinijs expōſitis opulētissimi, adstabant. Mensam Cæsaream procurabant præter ceteros, duodecim præcipui Imperij Comites, Electorum vicem obeuntes. Habebant quoq; Electores & Principes suos singuli Comites, & Nobiles, qui illis à dapibus & poculis erāt. Legatis quatuor ciuitatū certi etiā attributi erāt ministri. Ceterū licet conuiuiū insigni magnificētia ingentiq; epularū apparatu instructissimū, senis sic præberetur ferculis, vt dena simul ædulia apponerentur; inter ea tamen cōplura elui nō apta, digna solū erant quæ cū admiratione oculos pascere. Bellarijs etiā secundæ præsertim mense, exquisitissimis, viniq; preciosissimis fuerunt instructæ. Interim dū sic

Regifice exstructis, celebrant conuiuia mensis,
ante Curiam album & rubens merum duabus fistulis perspeciem bicipitis Aquilæ, editæ columellæ imposite, subterranea deriuatione profundebatur (sic Neapoli quoq; in Friderici Cæsaris aduētū plurib' diebus nobilissima vena, in speci-

em aquæ ex temporarijs fontibus vbertim fluxisse, testatur Sabell, lib. 8. cap. 7.) Veteri etiam consuetudine Bos integer multis alijs animalibus fartus, ligneo veru in foro torrebarur, ex quo parte aliqua ad inauguratum Regem Romanorum delata, reliquum multitudinis direptioni cedit. Mensis remotis, Treuirensis gratias Deo egit: postea Cæsar & Rex suis ornati insignibus, ab Electoribus ceterisque Ducibus, Principibus, Comitibus, Baronibus & anteambulonibus domum deducuntur, ex Bullæ Carolinæ præscripto Electoribus suum quoque munus obeuntibus; quibus deductis, singuli in sua se receperunt palatia.

DESCRIPTIO EPULI REGII, IN CORONATIONE Caroli V. Cæsaris, Aquisgrani exhibiti.

Simile Imperatorium siue Cæsareum Epulum in Caroli V. Cæsaris coronatione Aquisgrani magnificentissime celebratum, plenius Hartmannus Maurus testis oculus, hunc in modum descripsit.

Regia Maiestas Imperiali habitu atque ornatu induta, delatis ante se Imperij insignibus, maximo Electorum ceterorumque Principum comitatu in palatium tota Germania celeberrimum, cuius latus forum spectans, marmoreis Imperatorum statuis mirifice exornatum ascendit, vbi omnia ad splendorem & pompam magnificentissime aureis peristromatis, stragulis & aulae sic adornata fuere, vt maximam rationem publicæ dignitatis habitam fuisse dicere potuisses: solemniq; cōiunio, præter Principes Germaniæ statusque Romani Imperij nemo adhibebatur. Statim

Statim atque Rex ascendisset, minor Imperij Mareſcallus Vlricus à Pappenheim, equo cui infidebat, in cumulum auenæ vſque ad pectus adactō, argenteum modium duodecim marcarum publice in foro, ex more, vice Ducis Saxoniz, a uena impleuit. Aurea deinde pelui aqua regijs manibus à Ioanne Marchione Brandenburgico, & Comite Zollerenti minore Imperij Camera-rio dabatur: tenuitque Comes Palatinus & alij Principes adſtantes mappam, qua regiz manus abſterſæ ſunt. Comes deinde Palatinus Archida- pifer, præcedente ſubmareſcallo, geſtante ele- uatum bacillum, cum Domino de Croy magno, & alijs minoribus Curiz magiſtris, ad regiam co- quinam deſcenderunt.

Antequam reuerterentur Electores, Archie- piſcopi menſam conſecrarunt. Quamvis antem antiquæ Annotationes Archiepiſcopo Coloni- enſi coronatori, hoc ſaltem illa die tribuunt, Tre- uirenſis tamen hoc ſibi competere contendebat, ob eaſſam, quod ſenior in conſecratione, id eſt, prior ſacris initiatus eſſet. Archiepiſcopus igitur Coloni-enſis ob ea quæ in Aurea Bulla continen- tur, cuius auctoritas in dubijs merito ſequenda, æquo animo ceſſit.

Post benedictionem Archiepiſcopus Mogun- tinus associatis duobus Archicancellarijs, Colo- nienſi à dextra, Treuirenſi à ſiniſtra, ſigilla regiz à baculo argenteo duodecim marcarum depen- dentia, regiz menſæ obtulit; ſed mox reddita col- lo aptauit, toraque die publice inde pendentia geſtauit, quamvis Treuirenſis contēderet, Aquilæ

granum ad Gallicæ pertinere Archicancellarium.

Arte dapes inceserunt tubicines atq; æneatores Regis: nec non Heraldī vt vocant, insigniter ornati: inter quos Anglicus quoq; cum Regis sui insignibus, honoris causa conspiciebatur.

Tubicines præcinentes vbi ad mediū atrij peruenēre substituerunt, tubis omnia personantibus, quousq; Dominus Palatinus per deuexum ascendendo septem gradus, primum ferculum cooperum Regiæ Maiestati reuerentissime apposuisset. Contrauersam erat inter Legatū regis Bohemiæ, & subpicernam Imperij de Limburg, vter eorum Regi vinum aqua dilutum ex more perrigeret. Sed excussum pridie fuit pro Friderico Limpurgo, agnomine & officio Pincernæ de Limpurg dicto, quū ille semel & primo propinasset. Post durante prandio, Palatinus Fridericus procillator Regis fuit.

Omniū Principum Electorum officijs peractis, ad mensas ipsis præparatas Principes sese reponere Singuli suos Comites & Nobiles habuerunt quibus inter epulas ministris utebantur.

Hic opportunum videtur, de mensarum ordine aliquid dicere. Regia mensa posita latere dextero quod forum respicit, inter columnas in mediantullo aulæ, & parietem substructas, eleuata fuit fastigio septem pedum. Electorum vero mensæ modicis interuallis posite, pedalis altitudinis fastigium habuere, & tam Regis quam Electorū mensæ aureis stragulis instratæ. Aulæ quoque aurea supra & a tergo propedebant magnificentissimi operi.

operis. Licet prandium prælautum omnibusque cupedijs ciborum instructissimū abundantissime quinquaginta scilicet sic præberetur, ut dena semper edulia apponerentur, inter ea tamen multa ad oculos tantum cum admiratione oblectandos, comparata erant. Licebat enim videre species castellorū, arborum, leonum, aquilarum, unde Romani Imperij regnorūq; Hispaniæ vexilla dependebant, mensis singulis singuli abaci ordinatim dispositi, primis primi quoq; ministri fuere.

Marchio Casimirus structor siue prægustator Regiæ Maiest. fuit. Regem sedentem in aurea sella circumstabant dexteriore latere, D. marchio. Arescotanus, & Episcopus Leodiensis, sinistro latere, Comes de Zollern sceptriger, pluresq; alij. Principes & Comites Germaniæ atq; Hispaniæ. A sinistro erat abacus regius, ornatus spectabilissimis vasis veteris cælaturæ, omnis usus duo præsertim vnicornia, admirandæ prodigiosæq; magnitudinis. Vas itidē aureum ingentis capacitatis, Regiæ Maiest. dono à Rege Anglorum gratulandi causa missum. Latere dextro, duobus passibus infra Regem, primæ mensæ assedit Archiepiscopus Coloniensis. Qui secus contenderūt, ob Annotationes imperiorū scilicet, quod primus discubitus Regi Bohemiæ deberetur, illi Auream Bullā, normam ceremoniarū, non viderunt, quæ his rebus statum modū præfinie, morisque Imperij nō satis gnari, coecutiunt. Et ramentis secūdæ loco mēsa Regi Bohemiæ stratu præparataque fuerit, vacua tamen edulio mansit. Tertia mensa pro Duce Saxoniz, ob eius absentiam itidem

vacua. In quarta prandium sumfere Episcopi, Vor-
 matiensis, Ratisponensis, Dux Otho Henricus
 Bauariæ. Quinta ad tempus fuit vacua: postea oc-
 cupata à Regijs Consiliarijs. Sextæ assidebat ma-
 gistratus Aquisgranensis. Norimbergenses Lega-
 ti, qui Imperialia ornamenta aduexerant, ad sep-
 timam mensam collocati fuerunt. Reliquæ duæ
 mensæ conuiuiarum vacuæ mansere.

Latere sinistro prope columnam, prima men-
 sa Moguntini Archiepiscopi. Secunda, Comitum
 Palatini. Marchionis Brandenburgici. Tertia, sed
 esculentorum vacua, ob eius absentiam. Quarto
 loco Duces Brunsvicensis & Iuliacensis accubu-
 erunt. Quintam occuparunt missi à ciuitate Co-
 loniensi.

E regione Regis directè posita fuit mensa Tre-
 uirensis Archiepiscopi, paulum infra mensas Co-
 loniensi atque Moguntini Archiepiscoporum.
 Conuiuium Regium opiparum lautissimumque
 quatuor fere horis miro & quasi regali cum silen-
 tio agebatur. Expleto prandio, gratijs à Treui-
 rensi dictis, omnia tubis tympanisque persona-
 bant, stricteque D. Caroli Magni gladio, iterum
 Regia Maiestas equites aliquot creauit.

Omnibus absolutis, Rex Imperialibus or-
 namentis indutus cum Electoribus suo quoque
 habitu peculiari vestitis, ingentiq; Principū fre-
 quentia atq; comitatu, præcedentibus æneatoribus
 hospitium intravit: Regeque deducto, Principes
 ad sua quisque diuersoria contenderunt. Archi-
 episcopus Moguntinus statim R E G I sigil-
 la cum argento baculo, insuper candidum
 eximi-

eximiumque equum dono misit: quæ omnia mox à Cæsare remissa sunt, Rege subiungente, se fidem Moguntini adeo exploratam perspectamque habere, ut sigilla Regia nulli totius quam ipsi credi posse existimet: Regem insuper futurum ipsi Dominum clementissimum, Episcopatumque Moguntinum potenter atq; efficaciter defensurum. Moguntinus fidei quidam suæ commissæ sigilla retinuit, argenteum autem baculum equumque D. Nicolao Zieglero, homini solerti, Vicecellario pro honorario liberaliter dedit.

*Descriptio coronationis Caroli V. Bononia
celebrata, &c.*

His porro addere lubet aliud eiusmodi solemnitatis exemplum, quod in eiusdem Imperatoris Caroli V. coronatione apud Bononiam celeberrimam Flaminie orbem, præsentem Clemente VII. Rom. Pontif. magnifico apparatu agitatum fuit, & à Cornelio Agrippa eleganter admodum litteris proditum.

Magnificentissima pompa, inclinante se iam die, reuersus ad palatium Imperator, desiliens equo, primum eos qui signa & vexilla præferebant umbraculum gestauerunt, & alios plerosque cum nobiles tum ciues & Scholasticos equestris ordinis auratos milites creauit. Deinde basilicam amplissimam aulam, auratis laquearijs & Babylonice peripetasmatis suspensam, rape-

tisque instratam, Principibus comitantibus ascendit. Cernebantur ibi appensi laquearibus aureis argentei polymixi pensiliaque candelabra, quæ luminosis cereis redolentibusque lychnis referta, lumina late profundebant. Conspiciebatur ibi etiam amplissimus abacus, varij generis aureis escarijs & poculis puta lancibus & lebetib⁹, cœnophoris, amphoris, phialis, scyphis, cyathis, pateris, tragematarijs miro artificio cœlatis gemmatisque calicibus, & id genus epitrapexis confertus.

Ad caput autem Basilicæ sub aureo conopzeo Imperatoris mensa sita erat, & iuxta non longe alecta mensa, qua Sabaudia Dux ceterique Principes qui coronationis insignia portarunt, recubituri essent. Erant etiam ceteris Principibus ac Prelatis suspensa peristromatis & instrata aulæis suisque abacis & mensis magnifice apparata cœnacula. Iam hora aderat conuiuij, & instructis mensis accumbebat summo throno Imperator, ac deinde per ordinem ceteri Principes ad suas mensas accumbunt. Dantur aquæ manibus, & solenni oratione mensæ benedicitur. Tunc primores Satrapæ, præeuntibus cum Scipionibus suis architriclinis, argenteis canistris panem, & auratis patinis naria, tuceta, leucophaga, fritellas, tortas, & quidquid præclarum ars Apicia excogitare potuit, infertur.

Deinde secundis mēsis, grandioribus lancibus exquisitissimas per ordinem epulas copiose apponunt, assa, elixa iusculenta, fixa, pastilia, promulsidaria, pultana &c. aliaque lautissimorum

oduliorum genera, lapidissimis succorum multi-
iugis codimentis suffusa, &c.

Pro tertijs mensis quæ coenam clauderent, va-
riegata coquinarijs artificijs multarum figura-
rum tragemata bellariaque ministrabantur: nec
deerant toto conuiuio varij generis generosissi-
ma vina, stabantque præsto pincernæ pocula sin-
gulis pro lubitu ingerentes, propinatoresque ad
omnes epulas & pocula prægustabant. Illud quo-
que magnificæ liberalitatis spectaculum multis
admirationi fuit, quod post singulas dapes leuata
mappæ & mantilia, vnâ cum aureis argenteisque
patinis ex lancibus, cum que cibarijs è fenestris
in forum è præda plebi projiciebantur: structori-
bus interea alia supra alia imponentibus. Cumq;
iam absoluta esset coena, dilutis pro more odora-
tissima aqua manibus, remotis mensis, iterum
solemnibus precibus redditz sunt Deo gratiæ.
Tunc Imperator accepto in manus gladio sacro,
plurimos rursus quum nobiles tum consulares
viros, ad equestris ordinis dignitatem prouexit.
Magna denique noctis parte transacta, Principes
singuli, consalutato Imperatore, ad diuerso-
ria sua concesserunt, populo Bononiensi
adhuc pluribus florulētis diebus igni-
tisque noctibus, festiuitatis cele-
britatem iugiter con-
tinuante, &c.

(.)

DE ELECTIONE ROMANORVM RE-
gis Aurea Bulla sic habet.

POSTQVAM Electores seu Nuncij ciuitatem Frankenfordi ingressi fuerint, statim sequenti die diluculo in Ecclesia Sancti Burcholomei Apostoli, ibidem in omnium ipsorum praesentia, Missam de Sancto Spiritu faciant decantari ad finem, ut ipse Sanctus Spiritus corda ipsorum illustret & eorum sensibus lumen suae virtutis infundat, quatenus ipsi suo suffulti praesidio hominem iustum, bonum & utilem eligere valeant, in Regem Romanorum futurum quae Caesarem, ac pro salute populi Christiani. Peracta quoque Missa huiusmodi, Omnes illi Electores seu Nuntij accedant ad Altare, in quo Missa eadem extitit celebrata, ubi Principes Electores Ecclesiastici, coram Euangelio beati Ioannis, In principio erat verbum, quod illic ante ipsos poni debet, manus suas pectori cum reuerentia supponant. Seculares vero Principes Electores dictum Euangelium corporaliter manibus suis tangant, qui omnes cum tota sua familia tunc ibi debebunt inermes assistere. Et Archiepiscopus Moguntinae formam Iuramenti eis dabit & vna cum ipsis, & ipsi, vel absentium Nuntij vna cum eo Iuramentum praestabunt vulgariter in hunc modum.

Ego N. Archiepiscopus Moguntinensis. Sacri
Imperij

Imperij per Germaniam Archicancellarius & Princeps Elector, Iuro ad Sancta Dei Evangelia hic præsentialiter coram me posita, quod ego per fidem, qua Deo & Sacro Roman. Imperio sum astrictus, secundum omnem discretionem & intellectum meum cum Dei adiutorio eligere volo temporale Caput populo Christiano; id est Regē Roma. in Cæsarem promouendum, qui ad hoc existat idoneus, in quantum discretio & sensus mei me dirigunt, & secundum fidem prædictam, vocemq̃ meam & vorum, seu Electionem præfata non dabo absque omni pacto, stipendio, precio seu promisso, vel quocunque modo talia valeant appellari, sic me Deus adiuuet, & omnes Sancti.

Præstito denique per Electores seu Nuntios, in forma & modo prædictis huiusmodi iuramento, ad electionem procedant, nec amodo de iam dicta Civitate Frankensford separentur, nisi prius maior pars ipsorum temporale Caput mundo elegerit, seu populo Christiano, Regem videlicet Romanorum, in Cæsarem promouendum. Quod si facere distulerint, infra triginta dies, à die præstiti iuramenti præfati continuo numerandos, extunc transactis eisdem triginta diebus amodo penam manducent, & aquam, & nullatenus Civitatem exeant antedictam, nisi prius per ipsos vel maiorem partem ipsorum Rector seu temporale Caput fidelium electum fuerit, ve præferatur.

Postquam autem in eodem loco, ipsi vel pars eorum maior numero elegerit, talis electio perinde

inde haberi & reputari debebit, ac si foret ob
ipsis omnibus, nemine discrepante, concorditer
celebrata. Sique per tempus aliquod morari ab-
esse, & tardare contingeret aliquem de Electori-
bus seu Nuntijs antedictis, dum tamen veniret
antequam prædicta esset electio celebrata, hunc
ad electionem ipsam in eo statu admitti decerni-
mus, in quo ipsa aduentus sui tempore consiste-
bat.

Et quia de antiqua approbata, & laudabili
consuetudine inconuulsa, quod subscribitur sem-
per extitit hactenus obseruatum. Ideoque & nos
constituimus, & de Imperiali decernimus pleni-
tudine potestatis, Quod is, qui modo præmissio in
Regem Romanorum electus ferit, peracta statim
electione huiusmodi, priusquã in aliquibus cau-
sis alijs, siue negotijs, virtute Sacri Imperij adm-
nistret, vniuersis & singulis Principibus Electori-
bus Ecclesiasticis, & Secularibus, qui propinquo
ra Sacri Imperij membra esse noscuntur, omnia
ipsorum Priuilegia, Litteras, Iura, Libertates,
Concessiones, antiquas consuetudines, & etiam
dignitates, & quidquid ipsi ab Imperio vsque in
diem electionis suæ obtinuerunt & possiderunt,
absque dilatione & contradictione confirmare
& approbare debeat per suas litteras & Sigilla,
ipsisq; præmissa omnia innouare, postquam Im-
perialibus Infulis fuerit coronatus.

Confirmationem autem huiusmodi electus
ipse cuilibet Principi Electori, in specie primo
suo Regali nomine faciet, & deinde sub Imperi-
ali titulo innouabit, Et in hijs ipsos Principes
omnes

omnes in genere & quemlibet eorum in specie nullatenus impedire, Sed potius absque dolo gratiose tenebitur promouere, In casu denique quod tres Principes electores presentes, seu absentium Nuntij, quarum ex se seu ipsorum consortio, videlicet Principum Electorem, presentem vel absentem in Regem Romanorum elegerint vocem illius electi, si præsens affuerit, aut Nuntiorum ipsius, si eum abesse contingeret plenum vigorem habere, & eligentium augere numerum, partemque maiorem decernimus constituere, ad instar cæterorum Principum Electorum.

DE SESSIONE TREVERENSIS, COLONIE
loniensis, & Moguntinensis Archiepiscoporum. III.

VT inter Venerabiles Moguntinensis, Colonienſis, nec non Treuerensis Archiepiscopos, Sacri Imperij Principes Electores, omnium licitum & suspectum, quæ, & qui de prioritate, seu dignitate Sessionum suarum in Curijs Imperialibus & Regalibus suboriri valeant impoſterum, perpetuè in antea temporibus amputentur, Et ipsi in cordis & animorum quæta conditione manentes, & de oportunitatibus Sacri Imperij concordî fauore, & virtuosæ dilectionis studio conuenientius meditari valeant, pro consolatione populi Christiani habita

bita deliberatione, cum omnibus Principibus Electoribus, tam Ecclesiasticis, quàm secularibus. & de Imperatoris potestatis plenitudine, de edictali lege perpetuo valitura sancimus, Quod supradicti venerabiles Archiepiscopi, Treuren- sis videlicet ex opposito lineari directione, ver- sus Imperatoris faciem. Moguntinensis vero in suis Diocesi & prouincia, & extra prouinciã suam in toto Archicancellariatu suo Germani- co, prouincia Colonienſi duntaxat excepta, & demum Colonienſis in suis Diocesi & prouin- cia, & extra prouinciã suam in tota Italia & Gallia, in dextero latere Romanorum Cæsaris, sedere possint, valeant, & debeant, in omnibus publicis actibus, Imperialibus, puta iudicijs, Collationibus feudorum, & in refectionibus Mensarum, ac etiam in Consilijs, & omnibus alijs agendis, propter quæ contingeret, eos pro ho- nore seu vtilitate Imperiali tractandis, mutuo conuenire. Et hunc modum Sessionis sub omni eo ordine, sicut expressatur superius, ad prædi- ctorum Colonienſis, Treuerenſis, & Mogun- tinensis Archiepiscoporum successores perpetuo extendi volumus, vt nul- lo vnquam tempore super hijs quæuis dubietas ge- neretur.

Defuncto 10. Februarij, Itylo veteri, Imperatore Rudolpho Secundo Moguntinus Archiepiscopus, cuius id munus est ex Aureæ Bullæ præscripto, ceteros collegas Electores certiores de obitu Imperatoris fecit, & quo Francofurti ad eligendum nouum Romanorum Regem siue Imperatorem, 10. Maij præstò essent, diem eis condixit.

Eodem die Reuerendissimus Elector Moguntinus Ioannes Suecardus; itemq; Reuerendissimus & Serenissimus Elector Colonienfis Ferdinandus Bavarix Dux: necnon Serenissimus Ioannes Comes Palatinus, Bipontinus, Electoratus Administrator; vt & serenissimus Ioannes Georgius Saxonix Dux, &c. Elector, quorum vterque interregni tempore per Imperium vicariatum gesserat, Francofurtum mediocri comitatu singuli ingressi sunt. Postridie eodem venerunt Reuerendissimus Lotharius Treuirensis Elector; & sub eius diei vesperam Serenissimi Ioannis Sigismundi Electoris Brandenburgici legatus Adamus Gans Baro à Podlitz &c. Triduo post tandem, nempe die Mercurij, Serenissimus Mathias Hungariæ & Bohemiæ Rex, Elector, splendido admodum & satis magno comitatu, vnà cū Regina coniuge, eodem venit.

Die Sabbathi 26. Maij Senatus Francofurtensis Electoribus pro more, iuramento, de securitate præstàda sese obstrinxit; vt & ciues potest, & conducti ad vrbis custodiam milites.

Per sequentes deinde dies Electores quotidie fere conuenerunt, de futura deliberantes ele-

Etione cui dies primus in 31. Iunij præfixus fuit.

Die Martis 2. Iunij magistratus Francofurtensis præconis voce edixit, vt omnes quicumque non ciues, aut in Electorum comitatu non essent, aut magistratui Francofurtensi iuramento obstricti non essent, vrbe quamprimum excederent: ac post meridiem portus occlusi iussit.

Die Mercurij 14. Iunij Anno 1612. Electio finem sortita, tum maior campana ad septimam vsque pulsata est. Post septimam Electores ad Curiam adequitarunt, & eadem ingressi, Electorali sese habitu induerunt. Octauo, iidem è curia egressi, cõscensis equis, templum versus processerunt. Primo quidem Electorales aliquot Consiliarij & Nobiles aulici præcesserunt. Hos sequuti sunt, equo insidentes Electorũ Moguntini & Treuirensis Marescalli aulici & hæreditarij, vterque gladiũ aurata vagina inclusum præferens; ac deinde ipsi iam dicti Electores. Post hos Coloniensis Archiepiscopatus & Bohemici regni Marescalli equitarunt, quorum vterque gladium inauratum itidem prægestabat, sed ille inaurata, hic rubra holoserica vagina inclusum. Pone hos ipsi Serenissimi Principes Ferdinandus Coloniensis Archiepiscopus, à dextra, & Matthias Hungariæ & Bohemiæ Rex à sinistra, hic regia etiam corona insignis. Inde Palatinatus & Saxonie Marescalli, atq; post hos ipsi Principes Ioannes Comes Palatinus & Ioannes Georgius, hic in medio, ille ad dextram, & ad sinistram Legatus Brandenburgicus, quorum hic postremus a lectorali habitu non fuit indutus;

nec

nec ensiferum præcedentem habuit. Omnium electorum idem fere fuit habitus, nisi quod Ecclesiasticorum toga è rubro ponno lanceo murice tincto, sæcularium vero è serico eiusdem coloris constabant, intus pellibus hermelinis subducta.

Hoc modo per ciuium ab utroque latere dispositorum armatos progressi ordines, ad fores templi ex equis descenderunt: quumq; in templum vix pedem intulissent, Electorũ tubicines in alto præmate stantes, ingentem clamorem ediderunt, rotundis tympanis veluti clausum adstreptibus. In chorum ubi Electores peruenerunt, quisque in sedem suam se recepit: ad dextrã scilicet Moguntinus, Rex Bohemiæ, & Comes Palatinus, ad sinistram Colonienfis, Saxo, & Legatus Brandenburgicus; Treuirensis vero in medio. Sedilia Electorum nigro holoserico erant constrata, sed Bohemiæ Regis auro textili radiabat. In chorum nonnullis ex ordine Ecclesiastico, & Consiliariorum præcipuis introrissis, Pappenheimius Imperij sub Marescallus ianuam occlusit: tumq; statim organa sonuerunt, & Missæ officium à suffraganeo Moguntino coeptum est: quo progrediente, Palatinus, Saxo, & Brandenburgicus Legatus è choro in conclaue aliquod interius (quod scilicet diuersæ religionis essent) sese receperunt. Finito Missæ officio, & iisdem ad stationes suas reuersis, hymnus *Veni creator spiritus*, decantatus fuit. Mox Electores & Legatus Brandenburgicus (cui null⁹ vt ceteris, ensis prælatus fuit, ad summũ altare progressi, ubi in supremo gradu cõuerso ad præsentes vultu, cõstituerũt, Mogun-

tinus causam huius conuentus explicuit: deinde Treuirensi præeunte verbis, iuramentum ex Aureæ Bullæ præscripto præstitit; mox ceteri Electores præeunte Moguntino, idem præstiterunt. A Moguntino quoque duo Notarij sunt accersiti, & iussi ut præsentem Actum solempni scriptura (Instrumenta vocant) consignarent: qui facturos se id promiserunt, accitis in testes præsentibus Spectatoribus Nobilibus & Consiliarijs.

Iuramento præstito, Electores in sua se receperunt sedilia, dum interim Antiphona *Veni sancte Spiritus*, vnà cùm alijs Collectis decantatur: quibus finitis in Electionis Conclauē ingressi sunt. Dum hæc fiunt, pro Comite Palatino iuniorē Electore in Chori pegmate sedile aureo textili instratum & paratum fuit; ut & in alio pro Bohemiæ Regina, vnde quæ in Choro fiebant, commodè spectari poterant.

Postquam fere per vnus horæ spacium Electores in conclaui fuerunt, duabus interim vicibus accersitis præcipuis ab vnoquoque ipsorum Consiliarijs: tandem hoc ordine egressi sunt. Præibat Moguntinus, sequebantur Colonienſis & Treuirensis, medium ducentes Matthiam electum Regem: quibus tergum claudebant Palatinus Saxo, & Legatus Brandenburgicus. Mox tubicines & tympanotribæ mirabili clangore & strepitu omnia impleuerunt, atque omnes campanæ lætū sonuerunt, tormenta vero, vndique displosa horrendum intonuerunt.

Rege ad summum altare perducto, Cantica aliquot, & imprimis Ambrosianum illud

Te Deum laudamus, mirifico Organorum, variorum instrumentorum tam musicorum quam militarium concentu decantatum fuit: quo finito, altera chori ianua rursus aperta, & novus Rex per eam in amplum pegma ante chorum exstructum, ab Electoribus deductus est, & in sellam aureo panno circumamictam, ceteris paullo altiore collocatus, populoque ostensus est, sedentibus ad dextram Moguntino & Palatino; ad sinistram, Colonienſi, Saxone, & Legato Brandeburgico, Treuirensi vero in medio sine ante Regis conspectum. Cessante tubarum clangore & tympanorum strepitu, Georgius Fridericus Greifſenſelauius Moguntinæ & Vormatiensis ecclesiarum Præpositus, ad præſentes & spectatores breui habita oratione, Matthiam Hungariæ & Bohemiæ Regem, in Rudolphi 2. demortui Imperatoris locum ab Electoribus in Romanorum Regem & futurum Imperatorem electum esse declaravit, omniaque & singulis eundem pro tali habere, obseruare & honorare iussit. Oratiunculam hanc iterum tubarum clangor & tympanorum strepitus excepit. Deinde novus Rex & Electores e præmate rursus hoc ordine descenderunt; præibat Treuirensis, sequebantur Palatinus ad dextram orbiculum aureum, Saxo intermedius gladium nudum, ad sinistram Brandeburgicus Legatus sceptrum gestans: hos proxime Electus Rex, inter Moguntinum ad dextram, & Colonienſem ad sinistram intermedius: hocque ordine ex templo egressi, Electores, Principes & alij novum Romanorum Regem ad hospitium ipsius siue palatium deduxerant.

Peracta Electione, & sequentibus aliquot

diebus per laticiam & publicas festiuitates traductis, inaugurationi siue coronationi dictus est dies 24. Iunij, qui Dominicus erat. Primum igitur Norimbergenses & Aquisgranenses, in quorum ciuitatibus Regalia insignia, quibus noui Imperatores inaugurari solent, asseruantur, de electione certiores facti sunt, eum in finem vti illa ad dictum diem eò adferrent: interim vero res ad talem actum necessariæ præparatæ fuerunt. Ac primum ante Curiam ampla admodum coquina ex asseribus, integro assando boni, exstructa, deinde ab eadem Curia ad templum vsq; via tignis & asseribus confirata; fons etiam ad instar muscosæ & viridis rupis miro artificio paratus fuit, in quo biceps aquila inauratâ coronâ redimita, & globo inaurato expansis alis insistebat, binis ab utroque latere leonibus astantibus. Similiter Curie coenaculum futuro Regio epulo magna diligentia præparatum, mensæque ex ordine collocatæ sunt. Primum Regia, in loco editiori; inde paullo inferius, Electorum mensæ, ad dextram scilicet regie, Moguntini, Regis Bohemie & Comitum Palatini; ad sinistram Coloniensis, Saxonis, & Brandenburgici; in medio autem, ex aduerso regie, Treuirensis, singulæ cum suis abacis. Superius coenaculi pauimentum aureis ac sericis pannis obductum, inferius vero rubro panno instratum erat in angulo etiam pegma rubro panno exstructum erat, ad Musicorû vsum.

Die vigesimo quarto Iunij, qui inaugurationi destinatus erat, portæ ciuitatis occlusæ manserunt, ciues vero armati per urbem dispositi sunt,

sunt, inprimis vero in platea quæ à Curia ad templum ducit.

Primi ergo Colonienfis & Treuirenfis Archiepiscopi Electorali habitu templum ingressi sunt quos mox Moguntinus nigra toga ad talos vsque demissa indutus sequutus est, & ij à Norimbergensium & Aquisgranensium delegatis, Imperij insignia acceperunt. Quo peracto, Colonienfis & Treuirensis deposito seculari habita Pontificalia induerunt. Mox Moguntinus Pontificalibus splendidissimis amictus, processit, duobus ministrantibus comitatus. Moguntinus coronam, ministrantium alter orbiculum seu pomum Imperij, Treuirensis ensen, & Colonienfis sceptrum aræ imposuerunt, & ad coronationem sese accinxerunt. Præter consuetum vero illum ensen, etiam alius Persico acinaci forma non multum absimilis, vagina inclusus, eidem altari fuit impositus. Interea dum Regis siue Imperatoris aduentus expectatur, Moguntinus & alij Ecclesiastici ordinis in sellis suis confederunt: seculares vero Electores ac Principes ad Regium palatium sese contulerunt, nouumque Regem deduxerunt hoc ordine. Primo satellices aliquot Saxonie Electoris, post hoc Dominus de Pappenheim hæreditarius Imperij marescallus, baculum manu gestans, inde marescallus aulicus cum ministris suis, post hos Consiliarij Electori & Nobiles aulici, tum Francofurtensis ciuitatis & aliarum deputati, minus tamen stricte, ob pluias quæ inciderant, seruatò ordine. Pedites itidem inceserunt multi Comites, & Barones: quos sequuti sūt Principes aliquàm multi, viginti vt putatur, æquis insidentes. Inde tres Heraldj seu

Feciales, albis equis vecti, oblongum baculum singuli ferentes, vnus Hungariæ, alter Bohemiæ, tertius aliarum regionum insignibus conspicuus. Pene hos Heroldus Imperialis solus, vestitu Aquilam Imperij insigne ostentans, candido ite equo vectus, & baculum manibus gestans. Tandem ipsi Electores sequuti sunt, Electorali habitu amicti. Ac primum Comes Palatinus orbem Imperij, ad dextram; Legatus Brandenburgicus ad sinistram, sceptrum ferens: post hos solus equitans Saxonix Elector, nudum gestans ensem: ac tandem ipsa Regia Maiestas, sub umbella, quâ sex Francofurtenses Senatores gestabant. Antequam vero Rex ad templum ire cepit, iam Regina cum gynæceo eò venerat, in editiorem quandam locum siue pectus recepta, vnde caeremonias omnes commodissime spectare poterat.

Regi templum ingredienti, tres Electores Ecclesiastici, inter quos Moguntinus tâquam Consecrator, Pontificaliter indutus erat, vnâ cū ministrantibus obuiam ad fores vsque præcesserunt, duobus suffraganeis vno librum Euangelij, altero thuribulum præferentibus. Ibi Moguntinus oratione super Rege habita, eundem in chorum deduxit, sæcularibus insignia Imperij præferentibus, & à tergo Coloniensi & Treuir. sequentibus. Interea Antiph. *Ecce mitto Angelum meum* decantabatur; sæculares vero Regem ad aram stiterunt, tum mox insignia Imperij substitutis tradidit. e. S. sionum hic fuit ordo. Ante ipsam aram scabellum ad preces ibi faciendas, non longe inde sella regia, vtraque panno ex auro textili instrata, collocata fuerat. Pone regiam sedem, duo alia sedilia rubro holoserico instrata conspiciantur,

bañtur, vnum ad dextram pro Treuirensi, alterū ad sinistram pro Colonienſi Archiepiſcopis. In-
fra Treuirenſem Occidentem verſus ſaculares
Electores, ex oppoſito vero Colonienſis ſedis,
exterorum Legati conſederunt. Decantata An-
tiſphona, Rex ad aram à ſuffraganeis fuit dedu-
ctus, ibique à Moguntino ſiſis precibus, in Regio
ſolio rurſum collocatus. Poſt hæc Moguntinus
ad peragendum Miſſæ ſacrificium ſeſe accinxit:
cum vero ad Euangelij lectionem peruentum
fuſſet, Rex Electoralem hab tum quem haſte-
nus geſtauerat, depoſuit. Eo dein ad altare dedu-
cto, omnibusq; in genua prouolutis, Litanía ca-
ni cœpta eſt: in qua cum ad illa verba peruentum
eſſet, vt nos exaudire digneris, Conſecrator ſub-
iecit, vt hunc famulum tuum Matthiam in regem
eligere digneris. Cui chorus reſpondit: Te roga-
mus, &c. Tum Conſecrator rurſus: Vt eum bene-
dicere, ſublimare & conſecrare digneris, &c. Ac
tandem: Vt eum ad Regni & Imperij faſtigium
perducere digneris, &c. ſicque deinceps Litanía
à ſacellanis abſoluta fuit. His peractis, Conſe-
cratam inſulam impositamq; capiti, & pedum
Epiſcopale manu geſtans, Latinis verbis Regem
interrogauit, An vniuerſalem Chriſtianam fi-
dem conſeruare, Catholicam Eccleſiam defen-
dere, iuſticiam adminiſtrare, Imperium augere,
& viduis atque orphanis contra vim præſidio
eſſe, & Pontifici Maximo obedientiam præſtare
vellet? Annuente ad ſingula Rege, Moguntinus
ad aram propius adductum, certis verbis conce-
pto iuramento adigit & ad plenam eorum omni-
um quæ promiſerat obſeruationem obſtringit.
Inde ad præſentes Electores, Principes, Comites

Barones ac totam circumstantium coronam conuersus, rogauit, An sese Regiæ Maiestati subijcere, imperium eius confirmare, eiusque mandatis obedire vellent? Omnibus magna voce acclamantibus, Fiat, Fiat, Fiat, Rex ad scabellum suum oratorium in genua procidit; quem Moguntius primum certis quibusdam precationibus consecrauit, deinde nudatas corporis partes oleo infudit, primum verticem in crucis formam, deinde inter humeros, ac demum in dextro brachio, inter manum & cubitum, additis ad singulas vnctiones his verbis: Vngo te in Regem de oleo sanctificato, in nomine Patris, & Filij, & Spiritus sancti. Interim dum idem manus quoque Regis inungit, Musici suauissimum melos incinuerunt. Post hæc Rex à suffraganeis & Assistentibus per chorum in adytum interius deductus, & absterfo oleo, allatis Norimberga veteribus illis parametis, à clericali habitu non multum recedentibus indutus, & in Regium solium quod interim propius altari admotum fuerat, rursus collocatus, atque rursus alijs precibus à Moguntino consecratus fuit. Hac finita benedictione, Treuirensis & Colonienfis enses acinaci non valde abfimilem, quem Caroli magni fuisse aiunt, de altari sumserunt, & Regi nudè in manus tradidere, præeunte verbis Moguntino: Accipe gladium per manus Episcoporum &c. quem in vaginam reconditū sæculares adstantes Regi ad latus accinxerunt. Postea Consecrator anulum itidem de altari sumtum, digito Regis inseruit, mox regium sceptrum & pomum Imperij, certis conceptis verbis, in manus tradidit, pomum scilicet in sinistram, & sceptrum in dextram,

aram, his verbis, Accipe virgam æquitatis, &c. Tandem Moguntinus, Treuirensis & Colonien-
ensis coronam eidem de altari sumtam, Regis ca-
piti imposuerunt, Moguntino verbis præeunte:
Accipe coronam Regni, &c. Rex è folio confur-
gens pomū Palatino, sceptrum vero Legato Brä-
denburgico reddidit. Ad aram deniq; à Treuire-
si & Colonienfi reductus Rex, iuramēto sese ob-
strinxit, Boni Imperatoris officio in omnibus se-
se perfuncturum.

Finito hoc Coronationis actu, multiplex cō-
centus tam vocū quam instrumentorum auditus
fuit. Inde Rex oblatione prius facta, S. Eucharis-
tiæ cōmunionē sub vna specie à Moguntino re-
cepit: post hæc à Treuirensi & Colonienfi in pe-
gma excelsum, magnifice exornatum deducitur,
& in soliu ibi paratū collocatur, dū hymnus ille
Te Deum laudamus &c. Musico concentu absolui-
tur. Ibi Moguntinus tam suo quā Electorū reli-
quorū nomine Regi gratulatus, & omnia fausta
precatur est, ac se actoti Imperij res ei cōmēdauit.

His peractis, Moguntinus cum Assistentibus
rursus ad altare accessit, Rex vero in solio sedēs
permanfit, ac comites aliquot & Barones, Caro-
li magni gladio leuiter strictis humeris, Equites
creant; gladio deinde Saxoniz Electori reddi-
to.

Toto deniq; sacro peracto, Moguntinus & Ec-
clesiastici Electores, in sacrario depositis sacris
vestibus & ornamentis, Electorali habitu sese
induerunt: ac rursus ad aram, cui Rex ac cæteri
Electores adstabāt, egressi, illis, sese adiūxerunt.
Tum duo Aquisgranēsis Ecclesiæ Capitulares, v-
terq; librū manibus ferētes, ad Regē accesserūt,
& humi-

& humiliſſima facta reuerētia, nescio quid ei prælegerunt: quos Rex librum osculatus, & in Canonicoꝝ illorum collegium receptus, dimiſit.

Finitis omnibus in templo cæremonijs, fores templi apertæ sunt: interim vero dum iſta in templo fierent, pons ille ſive podium ligneum, per quod Regi eundum erat, panno rubro conſtratū erat. Hoc ergo ordine pompa hæc Regia proceſſit. Præcedebat Regis & Electoꝝ familia aulica, Nobiles & Conſiliarij, inde tubicinum aliquot, alternatim canentium ordines; dein multi Barones, Comites & Principes: hos ſequēbantur regij Heroldi ſive Fetiales: hos excipiebant Electoꝝ: primo Treuirenſis ſolitarius, poſt hunc Palatinus & Legatus Brandenburgicus, ille pommum, hic ſceptrum geſtans; hos ſequēbatur Saxo ſolitarius, nudum gladium præferens: ac tandem Rex ipſe corona redimitus, ac ceteris ornamentis quæ Norimberga & Auiſgrano allata fuerāt, indutus, ſub vmbella ſplendidiffima, quam Sonatores aliquot Francofurtenſes geſtabant: tergum Regis claudebant Moguntinus & Coloniēſis, cum Eccleſiaſtici & ſæcularis ordinis multi proceres & magnates, aliæque perſonæ magno numero. Agmē clauserunt equites aliquot ſclopetarij, quos præceſſere vnus & alter qui auream & argenteam monetam in vulgus ſpargebant. Quamprimum proceſſio præterierat, pannus ille ſubſtratus à vulgo direptus, diſciſſus, laceratus & ablatus fuit; tanta vtrobiq; irruentis multitudinis contentione, vt quidam conculcati, vitam amiſerint, alij membris fractis, ægre mutili domum ſint reportati.

Dum

Dum sacræ in templo cærimonix peraguntur in Curia Regium epulum magno splendore apparabatur. Ferculis in mensas illatis, quum Rex mensæ iam assidere vellet, Saxonique Elector satellitibus stipatus, & Electorali habitu equo insidens, in ingentem auenæ cumulum ante Curiam effusum, equum adegit, & impleto inde argenteo modio, ac tandem Pappenheimensi Mareiscallo tradito, in Curiam rediit; nec mora, vix digressio Electore auenæ ille cumulus vno veluti momento ab irruente multitudine, inspectantibus è Curia Rege & Electoribus, direptus & asportatus, & magnam partem per plateas dispersus fuit. Post Saxonem Brandenburgicus Legatus itidem è Curia progressus, argenteum polli brum, quod mensæ prope templum impositum fuerat, in Curiam ad Regis mensam apportauit. A dextrum Palatinus equo itidem è Curia in forum prouectus, fercula aliquot argenteis patinis imposita, in Curiam retulit. Ibi vidisses rerum mirram faciem. Dici non potest quanto numero & contentione vulgus ad coquinam accurreret, non bouem tantum, qui omnis generis animantibus, ac piscibus etiam suffartus & refertus, integer ligneo verum miræ magnitudinis, duabus verimque rotis circumactis affatus fuerat, sed ipsam coquinam etiam, & quidquid ibi repertum, diripuerit, lacerarit, atque asportarit. Interim concinentium tubarum clangore prandij signum datum fuit: ac Rex, persurgentibus suo munere Electoribus, confedit, deinde ceteri Electores, Principes, ac Status Imperij & delegati. Conuiuij huius siue regalis epuli splendorem ac magnificentiam nemo facile describere, immo nec credi-

crediderit quidem nisi qui præsens spectauit.

Postquam Rex & Electores discubuerunt, fonte ante Curiam, vti diximus, crecto, vinum duplex, album & rubrum, è bicipitis aquilæ rostris & leonum rictibus profundi cœpit. Hic quoque non minus mira rerum erat facies. Cernere erat vnum pileo, alium cantharo, situla, & quocumque vase obuiis excipientes, ac non incruenta etiam contentione de præda passim cōcertantes. Quid multa? in ipsum fontem impetu facta petulans multitudo breui tam pulchrum & affabre factum opus confregit, & vel minima etiam fragmenta asporrauit: sicq; seipso & alios vino, quod multum adhuc reliquum erat, defraudarunt.

Ad quintā vsq; horā perducto regali epulo, tandem sublati mēsis secundis, Regia Maestas, comitantibus Electoribus & Principibus, palatium suum reperijs; ac similiter Electores ac Principes ad sua quisque hospitia discesserunt.

Die Martis 25. Iunij Regia consiux itidem in Romanorū Reginam inaugurata est, verum ceremonijs minus operosis. Mane eius diei campana maiori dato signo, Moguntinus primum, deinde Treuirensis & Colonienſis in templum sese contulerunt, & exuto Electorali habitu, Pontificalibus sese induerunt. Inde pomum, sceptrum & corona altari fuere imposita: dum interim Electores sæculares, Principes ac status Imperij ad palatium regium conueniunt, Reginam officij & honoris causa ad tēplū cōmitaturi ac deducturi. Processio hoc ordine fuit instituta. Primum agmen ducebant Consiliarij & Nobiles aulici alijque Officiarij, vnā cum multis Baronibus & Comi-

& Comitibus inde Principes equitabant ; post hos quatuor Heroldi ; tam Electores seculares, nempe Palatinus pomum, & Legatus Brandenburgicus sceptrum ferens. Pone hos pedes incedebat Marefcallus Pappenheimensis, vacuam vaginam manu ferens, & post eum Saxonix Elector habitu Electorali indutus, nudum ens sem gestans. Sequebatur Rex siue Imperator, corona redimitus, & Cæsareis vestimentis conspicuus. Inde Regina sola effedo vesta, comitante toto gynecæo, viginti circiter effedis vestito.

Vbi in Chorum templi peruentum fuit, Rex pomum sinistra, & sceptrum dextra tenens, Cæsareo habitu & corona redimitus ad aram accessit, & in genua prouolutus, à Moguntino vt coniux sua in Romanorum Reginam coronaretur, petijt. Deductam ad altare à Treuirensi & Colonienfi Moguntinus, factis prius precibus, rogauit, an in Reginam Romanorum coronari vellet? Annuentem suffraganei in adytum interius deduxerunt, mox vero aurea veste longo syrmatе conspicua circumamictam, reduxerunt. Tum Moguntinus coronam ei imposuit, & pomum & sceptrum in manus tradidit. Sic illa dicta ferens insignia ad solium redijt: quæ tamen Treuirensis & Colonienfis altari rursus imposuerunt.

Peraçto sacro, corona Reginx itidem fuit imposita: sicque illa è templo cum Rege, Electoribus & Principibus egressa, currum rursus conscendit, & ad Curiam vecta fuit, vbi Regium Epulum non minus quam alterum illud magnifice apparatus fuit & celebratum.

In foro præterea equario stadium seu curriculum paratum fuit, in quo Comites, Principes, & Electores hastiludia instituerunt, ac toto coronationis tempore decurrerunt. Die Mercurij qui fuit 27 Iunij, magnificum & frequens in primis eiusmodi habitum fuit certamen, cui Rex, cum omnibus fere Electoribus & Principibus ipse interfuit, amplis & opulentis victori propositis præmijs: quorum præcipuum vnus è iunioribus Ducibus Virtembergicis reportasse dicitur. Eiusdem diei nocte regie choreæ in Curia celebratæ (quibus itidem Rex ipse cum Regina, ac multis Principibus ac Comitibus vtriusq; sexus interfuerunt) & vsq; ad crepusculum fere matutinum continuatæ sunt. Sabbatho 20. Iunij, remittente aliquantum pluuia, ignes artificiosi circa nonam vespertinam, supra Moenum in ædificio quodam eum in vsum exstructo, parati, ac censi sunt, magna cum spectantium voluptate Deinde totam per urbem tormenta in vallis & turribus disposita, explosa sunt, quorum fragor longe lateque fuit exauditus.

Atque hæc præcipua fere sunt quæ in hoc inuigurationis festo contigerunt.

Deus Optimus Maximus, Rex regum & Dominus dominantium, Cæsaream Maiestatem, ad nominis sui gloriam, Romani Imperij augmentum, ac multorum hominum salutem, integris corporis & animi vribus in multos annos longævam conseruet, & eidem felicissi-

mas contra hostes suos victorias
largiatur!